

新都縣志

第六編上

文徵

彌牟八陣圖記

楊慎

諸葛武侯八陣圖在蜀者二一在夔州之永安宮一在新都之彌牟鎮在夔者蓋侯從先王伐吳防守江路行營布伍之遺制新都爲成都近郊則其恒所議武之場也武侯之人品事業前哲論之極詳不復勦同其說獨其八陣有重可慨者史謂武侯演兵法作爲八陣咸得其要自今行師更不覆敗深識兵機者所不能洞了蓋勝之於多算而出之於萬全非借一於背城而僥倖於深入也惜乎其方銳意

新都縣志

第六編 文徵

以回中原而溪蠻洞獠左跳右跋以裂其勢外寇方殷內境自憊使夫八陣之妙不得加於二曹三馬之梟敵而乃止試於七縱七擒之孟獲天威神算不騁於中原王者之區宇而僅以服南中巴夔之偏方事機旣已遲精力又已虧勇費其餘師用其分以爲大舉譬之逐盜掠火之家挺及決水猶恐不及而內有讐賊自相乘機肘腋助燎則雖有倍人之知力亦自無如之何侯之不幸勢正類此天之所壞誰能支之祚去炎漢不待隕星而後知矣嗟乎國之興亡天也而千載之下君子獨遺恨於蜀漢之事者非以武侯故耶至其故壘遺墟獨爲之愛惜不已乃其忠義之激人不獨其法制陣伍之妙也不然則竇憲嘗勒八陣以擊匈奴晉馬隆用八陣以復涼州是在侯前已

有之而後亦未嘗亡也功既有成而後世獨罕所稱述况能傳其遺跡至今乎慎嘗放舟過夔門弔永安之宮尋陣圖之迹維時春初水勢正殺自山上俯視下百餘丈皆聚細石爲之凡八行六十四絕土人言夏水盛時沒在深淵水落依然如故在吾新都者其地象城門四起中列土壘約高三尺耕者或剗平之經旬餘復突出此乃其精誠之貫天之所支而不可壞者蓋非獨人愛惜之而已耳慶陽韓君大之以進士出宰吾邑始至拜侯之荒祠次觀遺壘重有感焉謂慎曰之罟篆鏤燕然銘石執焉爾人不足稱也愛其執者不泯其跡矧侯之地而可忽諸今陣圖在夔者有和叔獨孤之記少陵東坡之詩四方灼知而此顧泯焉無所表識使往來者不賦樵牧者不禁非缺

新都縣志

第六編 文徵

歟祠宇行當新之陣圖所在欲伐石樹道左大書曰諸葛武侯八陣圖碑陰之辭子宜爲之夫崇賢存古以示嚮往者循良事也推表山川考記在昔者則史氏職也遂書之使刻焉

八陣圖修復記

楊廷儀

先是嘉靖十年參政山陰何公鰲僉事澤州鍾公錫以公事過新都謁諸葛祠因遍觀八陣圖迹頽基廢址慨然者久之乃相顧曰是在夔州江中亦有之千百年來水涸不邱水汜不潰固鬼神呵護之也而今在平陸者乃侵削於岷如此乎幽則有鬼神明則有人將不得禁防之耶是誠在我遂度地勢廣狹經費多寡爲築垣架屋之用不數月垣成幾三百餘丈蓋盡圖基悉繚之構屋四楹東面於圖以便

省覽復斲三丈之木張旗於上若神之臨之者時則邦侯全儒尸其事工訖儒請余記予以憂去今年八月溫江判簿安侯磐來署篆舉例致祭喜廟制一新大畏無以傳遠左右曰前已嘗請兵部侍郎瑞虹揚公爲之矣因無石公未脫稿安侯曰求文難乎求石難乎不數日使人來言曰石至矣余終不可無一言因告於安侯曰當漢之末造董卓就擒袁紹諸人尙不敢萌雄據之志使王允有撥亂之才擇立漢室之長且賢者如周勃子孟不爲身計使文帝起於藩邸宣帝起於民間綱紀振於上事權歸於一則雖有曹操孫策固干城爪牙之用烏能竊弄一方使智得以相謀力得以相校而徒嘆息痛恨於桓靈也哉及孫曹勢敵昭烈託身無所若非隆中有人力與扶持鼎

新都縣志

第六編 文徵

三

立之漢將不能成益州之璋早已受縛於孫吳矣雖然蜀之不足與有爲也孔明寧不知之以孔明之才得據曹瞞之地左提右挈則曹不魏孫不吳昭烈不蜀天下歸漢久矣而卒不能者天也夫天下旣定而圖蜀者吾嘗聞之矣未聞以蜀圖天下者也凡圖大事者必有腹心謀謨之臣以擴來於內有材勇智力之士以效宣於外西漢初與張良陳平者內臣也韓彭絳灌者外臣也昭烈有若人哉關公張公結義而興一時勇冠三軍威振華夏以關張效宣於外以孔明謀謀於內庶乎可以成功不幸關張已先遇害而孔明獨以一身任之專闖於外者未必能運於內是故漢之所短而孫曹之所喜也孔明出師渭沔司馬懿不問軍中事而以食少自幸正謂此也嗚呼陣圖

設於夔州者將以謀吳也設於新都者將以謀魏也而卒不獲用省圖臨事不能不爲之痛悼焉侯陝西之三原人剛敏清正連攝旁縣政以績成多可稱述文以碑事立故不他及嘉靖十二年

復修楊升菴先生祠墓序

顧汝修

論士而曰天下士士之難得而可貴者也論才而曰蓋代才才之僅有而無絕者也夫既爲天下士矣蓋代才矣而又崎嶇遭逢崢嶸節概俾後世讀其文章並慕其風義皆願式其閭拜其堂徘徊於楓楸之間而叩其祠陟降廡庭邊豆罔節臨其墓豐碑礪牛長松繫馬亦孰不愀然不樂增之永嘆者乎前明楊升菴先生世爲新都人其生以宏治元年戊申生京師正德丁卯舉於鄉戊辰試禮部考官王守

新都縣志

第六編 文徵

四

溪已置首選卷汚於燭因落之辛未會試擢第二遂以狀元及第當是時先生年甫二十有四名滿天下天下之人皆拭目以俟冀其宰相子當相繼柄用富貴勳猷彪炳宇內乃年三十七而謫戍永昌迄無還朝之日往來滇蜀間僕僕三十餘年逮嘉靖己未春秋七十有二卒於戍所其坎壤有如此者先生之官翰林也切諫武宗回輦母幸宣大諸邊至世宗初大禮議起先生再上疏復率同志哭門兩被廷杖不死者幾希是議也天下後世莫不痛惜楊氏父子而亦間有爲塏塏地者余嘗以爲楊氏不忍斬孝宗之嗣顯不避死以報故主故持之必堅皇天后土可鑒其心脫世宗徇公論興獻王不得稱考立廟張璫桂萼將誓死以報興獻乎抑又何心足以告於皇天后土

乎此即起聰導於今日不能置喙而先生之浩氣爭光日月矣先生於戊辰不第入國學祭酒周公奇之曰天下士也厥後陳文燭序年譜云約其積書四百餘種洵足蓋代由此觀之先生負蓋代之才植大義於千古而坎坷以終其身今之人三代之人也肝胆丈夫過新都者孰不有升菴其人耿耿於中乎嘗觀果州玉壘相國之論詩曰用修天才博學度越諸子春興何減少凌恩譴紀行遠踰北地然猶蜀人也中州劉崧陽貽先生書稱其經學詩學金石錄諸著作窮二酉攻九邱有癖儒苦士白首鑽索不能盡者合商瞿子木田何馬卿揚雄劉向王褒鮑明遠謝元暉諸人以况之更有知先生深者謂先生德行品誼人倫之表不宜但以博洽相推尊鑿鑿乎不刊之論矣

新都縣志

第六編 文徵

五

顧乃歸藏之地失守享獻之典缺如亦復誰能忍此前年夏余拜先生墓觸目感歎無能爲役日者門人左生新都人也奉先生像及諸紳士書謁余謂先生之裔某丐於衆謀贖墓田周垣頽者葺之就故宅爲堂舉祀事諸君子各抱夙願同聲樂允計其費須二千金屬余敘其事以告四方同志余豈敢辭余惟先生別業在城南名久湮沒今臬憲查公構屋於其故址大書升菴二字又爲建坊於外曰狀元街坊亟爲表彰近會晤間敘及新都廬墓祠宇俱屬頽廢深爲注念余惟先生祠墓荒蕪今得公之垂念周至千載一時此議聞於公應蒙嘉許必且仰荷鼎力舉重若輕行見諸君子將伯之呼響應者累累而起矣乾隆四十五年歲在上章困敦姑洗月望前三日撰

桂湖記

楊道南

邑有桂湖在縣署之陽周圍有三十餘畝寬桂湖始名衛湖蜀漢章武中衛君常鑿湖築堰修水利以溉民田後人德之常名衛湖不忘本也歷唐宋元明居民皆食其惠迨有明楊升菴先生故宅近湖遂沿堤徧栽桂樹間嘗遊憩其中考之升菴文集有送胡孝思泛桂湖曲是衛湖又呼爲桂湖彰彰可考非臆說也說者又謂衛湖相傳已久升菴以博雅才不宜易衛爲桂掩前賢功德似也然衛湖載在始康志乘泛桂湖曲載在升菴文集衛湖桂湖非兩地而志與文皆有確據謂之衛湖可謂之桂湖亦無不可滄桑之變古今同然究之古蹟不可湮沒其理則一何必拘其名即如武侯之八陣一在夔門一

新都縣志

第六編 文徵

六

在彌牟鎮後人履其址者尙感慨想慕其爲人衛公之政績楊公之節義文章地以人傳均爲不朽非湖貴湖因人貴也但湖歷年已久水涸易長葑草淤者過半乾隆十七年楊綿祚公爲始康令將湖歸於官收其所收租稅充爲解費是不特衛與桂之名亡而湖亦爲禾黍之區桂樹無存欲尋升菴之曲者不可得矣嘉慶十七年我皇上詔頒天下纂志修復古蹟士民等以此事鳴於官適余捧檄而來即慨然曰古蹟爲一縣勝槩即湮沒無存者尙欲考其舊地爲振興之奈何湖歸於官貪其利以爲己私乎即呼士民曰田仍復爲湖其解費官獨捐衆士民咸叩首以謝但旣復爲湖須募金爲墉垣臺閣兼植花柳其中始成雅觀其湖歸於文昌宮紳士每年經理不得仍爲

荒廢於是士民唯唯皆曰是我等之責毋庸官籌迄今雖未竣事而
首士之募金與諸君之捐助不可不先立碑以垂久遠請余爲記余
樂其復古尤冀其終事俾前賢之功德文章每於桂樹之芬芳湖光
之瀲灩中以據望古之幽懷爲文人之樂事也况桂湖不特有關水
利亦當縣署之陽與赤崖龍門相掩映人傑地靈衛君之政蹟興升
菴之節義文章雖卓越千古後有作者亦安見古今人定不相及也
是爲記

重濬桂湖記

楊道南

壬申夏六月余赴始康任舊例履任後闕城城齊整完固繞城上行
見城南門內有田數十頃禾黍芃芃蔚然在望因思邑爲通都孔道

新都縣志

第六編 文徵

七

居民比屋而居者鱗鱗而立幾無隙土安有原田懸懸錯出於人烟
稠密中乎詢諸士人曰此古桂湖也廢而爲田將百年矣有明楊升
菴先生於兩堤栽桂樹數百株作桂湖曲故後人呼爲桂湖乃一縣
勝蹟本不可沒緣乾隆十四年湖水偶涸奉役在公者請於官將此
湖湮爲田以充解費士人屢爭之官弗爲理事遂寢去歲大憲飭各
屬修志有欲復古者復訴於太守太守下其議余慕友擬以分半之
說始是而終疑之因集士人於庭而問之君等爲爭田乎爲復湖乎
若爭田是以利言也分半之說亦無不可若欲復湖余請以完璧歸
趙士人慨然皆願復湖余喟然而嘆曰事無大小不繫以私皆可行
向來官斯土者亦知曲在役直在士人費無所出故容隱而袒讓之

余一行作吏安肯明知其非而故文之乎俟秋收後田復爲湖費捐於官不徇私不累民區區之志如此他日湖成波光萬頃澂澂淵涵縈迴映帶於閭閻間者洵一邑之巨觀也公暇時與邑中士大夫或游堤或泛艇飲酒賦詩憑弔升菴之遺蹟俯仰興懷流連不置不獨士大夫之樂亦可副官斯土者培地脈興人文之至意也

重修桂湖記

汪澍

道光元黜執徐月次孟陬余幸邀簡命承乏始康於中和節蒞任擢攜兩月猶有頭緒非敢言政通人和也公暇時閱邑乘見前令楊君芹洲有重濬桂湖記始余於月朔至其地水木清華堂榭幽廠頗覺佳勝而慨其多剝蝕少培植焉學博郭君有堂少尹張君榆南謂余

新都縣志

第六編 文徵

八

曰是地也都人士久欲振興之惜無提唱風雅爲之領袖者予因思是湖鑿於後漢衛公呼曰衛湖爲民生利湖之幸也有明楊升菴先生植桂數百株作桂湖曲人因呼曰桂湖爲名勝區湖之大幸也嗣於乾隆屠維大荒落湮爲解費田嘉慶元黜涖灘芹洲重濬之去其濁而復其清又茲湖不幸中之幸也其興廢原委芹洲前記詳矣茲不復贅予吏逐風塵何敢以風雅自任弟前賢勝蹟終不忍其闕淡而無華也爰捐薄俸以潤之色而屬少尹張君董其事賢士夫皆踴躍輸將得廿一人而用足鳩工庀材築團蕉結舫居造舟梁購品具名花雜卉充牣亭池亡者有之舊者新之樸斲者丹雘之不匝月而工竣都哉此余之幸也湖而有靈其亦以爲幸焉否耶是爲記至樂

輸之名捐金之數督率之人材用之費例得書於碑之陰道光十二年夏五月

重修桂湖記

張奉書

縣廨之南有桂湖廣四十餘畝波光澄澈爲有明楊升菴先生遺迹先生沿湖植桂樹製桂湖曲乾隆己巳湖水偶涸廢爲田楊君芹洲來宰是邑復濬爲湖湖中築土爲基者三殆有志營造而未逮也道光壬辰前令汪君霽嵐集士大夫捐金就基址結舫居方亭岸南建觀音堂湖東建樓供倉頡朱衣諸像水閣依其旁余蒞任後履其地以是湖旣爲先生遺跡即應奉先生於其間而樓閣亭宇亦思有所增損以工鉅而止戊戌夏會他邑偶旱米價因之倍蓰鴻嗷時有聲

爰出俸錢導樂善者輸金糶米賤其價以糶之至秋乃止餘銀幾萬遂置沃畝百一十餘畝增龍門書院膏火廣養濟院梵獨之額尙有贏者三之一邑之諸君子咸以重修桂湖來請余欣然從之己亥春鳩工庀材購湖東隙地畝餘以益之斥其樓閣以爲前後廳刻木肖先生像奉於前湖右爲水閣左則跨湖爲屋望之若舟壘石爲山障其前湖中築臺爲月夕吟眺處顧諸神像無位置所乃於門內建觀音閣長廊環其左右迤東建殿宇奉諸神像循其舊也觀音堂舊址葺爲軒其地剝者修治之闔者塗澤之增置机桮坐具之屬一百八事造小舟三門前隙地修市廛八椽取賃資爲歲修之用凡十閱月工始竣用銀以數千計不足者邑之人助之始終董其役者粟君純

剛鞠君映台魏君作霖廖君昇高君星彩其楊君光俊向君開基魏君用中鄧君達書劉君安炯時亦經營之其規畫布置助余不及者則余友桐城姚仙槎騫之功爲最例皆得書是役也非圖美臺榭資游覽蓋以先生文章節義爲一代之冠此邦人士汎斯湖者當思希踪前哲觀感之心其有不油然而生耶他若烟波風月之佳先生曲中咏之矣故略之

重修文廟記

郭

紀

四川安縣

國朝奄有天下由王都以及郡邑皆有學必有廟所以崇聖道育賢才也惟時守令有賢有愚弗能咸體聖心於學校之政多有廢墜不修焉新都乃成都郡之隸邑也忻州楊君於天順戊寅來知縣事始

新都縣志

第六編 文徵

十

以興學育才爲首務縣之廟學舊在城之東南隅湫隘弗稱且歷歲久而榱桷椳闌丹碧黝堙多腐澁而漫漶也君以縣東之地高平靈潔背塵囂而挹情曠於廟最得宜於是捐廩易資與獄訟者所入若古昔鈞金束矢之爲蓄之已充然後募匠庀徒擇其榱桷棄其椳櫟盡撤舊葺而飾新材不以累學累民也是歲冬明倫堂成越明歲東西齋及他屋靡一不新過者色然改觀皆曰賢哉令也善作人也學旣成又越明歲而夫子之廟大成之殿而廡而門踰數月訖功榱桷椳闌堅而牡丹碧黝堙煥而明廟像嚴整規模宏潔位序籩豆俱各適志盡禮而又環其垣墉鑿其池橋特聳壯觀過者又色然改觀皆曰賢哉令也善敷教也噫爲令尹而能作人數教人人頌其賢豈易

得哉予聞聖人之道在六經其學在論語其傳在曾子子思之大學中庸以教人亦惟曰君臣也父子也夫婦也長幼朋友也格物也致知也誠意正心修身也齊家治國平天下也世之學者固知讀其經講其道求其理然不局於近利則狃於偏邪出而致用或動與經戾或行與道違或言語悖而不知所讀之經所講之道所求之理果何物也可勝慨哉令新都之廟學俱新是邑之士得知所依歸盍亦思風雨旃幪之功朝夕懋勉剔荒穢而進高明黜邪異而崇正大探索旨趣鉤致淵源由伊洛而溯洙泗匪直新美其輪奐且將新美其風化體令尹作人敷教之意也不亦偉歟予奉命來獨督總憲網任激濁揚清之責按臨是邑遂采其善而旌之用垂不朽令尹名數字

新都縣志

第六編 文徵

十一

惟敏早領鄉薦擢進士爲名御史左遷今職其爲人風概又如此並記而刻諸珉大明成化三年歲次丁亥季冬十二月知縣凌有志立

小蓬萊閣金石文字一

黃 易

漢王稚子石闕載洪趙二錄甚詳崇正庚辰余之官新都即古郫縣道旁二闕儼然在焉癸未余量移彰南命工搨數本以歸中間殘闕共十一字據葛君常云吳中藏本皆同其漫滅自何年已不可考矣歲次屠維大淵獻如月望日攝六老人識

小蓬萊閣金石文字二

黃 易

崇禎十三年太倉黃翼聖知四川之新都縣余按隸釋以二闕字屬之至十七年解縣事歸出此爲贈云二闕已橫臥榛莽中各失其下

半截矣此後四川兵戈雲擾人煙斷絕正不知二闕尙存否也洪趙所藏二闕俱有全文故知其名渙歐陽所藏止刺史一闕而又失去王君下二字遂不知爲何人止據雒字去水加佳爲光武以後字定爲後漢人耳苟非洪趙兩君子則令之見二闕者何從知其爲稚子哉丁酉正月顧苓記

小蓬萊閣金石文字三

黃易

王君有二石闕先靈一闕沒於溝水今二拓本並存又有文樞顧苓題記可貴也曰河內縣令者君先爲河內郡溫令也曰故兗州刺史者由溫令遷也曰先靈者猶言故也曰侍御史者坐考妖言不實罷刺史又徵拜侍御史也雒陽令者由侍御史還爲令也合二闕而書

新都縣志

第六編 文徵

十一

君居官乃備予斷之曰此溫與雒陽二縣民各爲君建一闕故各題其縣不然何以一人有二闕一闕只追書前官而不書卒於其位之官也華陽國志曰明廉侍御史洛陽令王渙字稚子鄴人此只書卒於其位之官書法之應爾也書河內縣令而不書雒陽令書法之不應爾也予故曰先靈一闕是溫縣民之所建也君之在溫也其有放牛者輒云以屬稚子終無侵犯君不以字行而二闕題曰王君稚子者以放牛者猶知其字無人不知其字者矣君以元興元年病卒於洛陽民立祠安陽亭西絃歌以荐食歌曰孝和帝在時洛陽令王君本自益州廣漢蜀人蓋又人人無不呼爲王君者矣乾隆乙巳大雪前七日石工張埧

小蓬萊閣金石字四

黃 易

漢王稚子雙闕今只存漢故兗州學史雒陽八字餘不可得惟此雙闕拓本尙存二十字久在江寧龔鹿樵家乾隆乙酉董小池雙鈎一本寄贈易數煩石友求取原本越八年乙巳之夏嚴侍讀道甫爲易作緣遂歸小蓬萊閣子羽令新都時值蜀中雲擾讀蓮葦居士集中寇警諸詩想見干戈戎馬之苦幸得歸老江南優遊泉石其手拓片紙自覺可貴今復爲黃氏所有亦一奇也錢塘黃易識於祥符寓館

小蓬萊閣金石文字五

黃 易

王稚子闕洪氏隸續所錄凡三見其第五卷第十三卷皆各爲之圖一圖其闕式一圖其書像也又其第二卷別出雒陽稚子一題云右

新 都 縣 志

第六編 文徵

十三

先置雒陽稚子六字其大小與王稚子闕相若而波磔不越乎規矩之外亦刻於稚子闕上但殘闕不具無先後之序愚按此六字即其額也不應別出一題其置字蓋即靈字之譌耳又新城文王簡秦蜀驛程後記詳錄闕上題記之文按文簡此記作於康熙三十五年丙子在黃子羽爲新都令倩工拓碑後之五十三年而其時不但雙闕具存且闕上所刻人物象虎海馬獅子之形及逐層後人題記之字皆無恙則黃子羽作令時其完好更可知矣然此拓本漫漶太甚蓋出於工人之鹵莽若州字中直之歧出河字下點令字上半皆屬描失且其上數層之文皆置之不拓誠可憾也然洪氏所得拓本又在黃子羽之前五百年而已譌靈爲置則其剝泐已久又可知也前年

門人陳和軒觀察入蜀以拓本見寄則僅存雒陽令一闕及闕後陰之二半行耳然其拓法轉勝於此本以是嘆善本之難得而此册雙闕具存尤可貴也予既重感秋會所獲之不偶因爲遍考前人著錄之文臨寫於後翁方剛跋

譚苑醜醜序

楊慎

醜醜者鍊酥之碁晶佛氏惜之以喻性也吾借之以名吾譚苑也夫從乳出酪從酪出酥從生酥出熟酥從熟酥出醜醜猶之精義以入神非一蹴之力也學道其可以忘言乎語理其可以遺物乎故儒之學有博有約佛之教有漸故曰多聞則守之以約多見則守之以卓寡聞則無約也寡見則無卓也佛之說曰必有實際而後真空實則擾長河爲酥酪空則納須彌於芥子以吾道而瓦台外道一也以外道而印證吾道一也譚云苑云徒說云乎哉醜云醜云徒味云乎哉

新都縣志

第六編 文徵

十四

全蜀藝文志序

楊慎

余嘗讀左太冲賦蜀都云江漢炳靈世載其英蔚若相如皜若君平王褒韓韓而秀發楊雄含章而挺生自漢而下文章之盛無出於四子矣然豈徒四海考僞游談爲譽哉文之傳事之傳也去今千七百年而談漢事如昨日繫四子之文也文乎文乎其可諉乎若乎陳子昂懸文宗之正鵠李太白曜風雅之絕麟東坡雄辯則孟氏之鋒距邵菴詩律比漢廷之老吏繼炳靈而躡蹤咸揆藻而騁轡與爲多矣

况子安少陵薄遊徧乎三巴石湖放翁篇詠泊於百濮其原本山川極命草木亦楚材晉用秦渠韓利矣先君子在館閣日嘗取袁說友所著成都文類李光所編固陵文類及成都丙子兩記輿地紀勝一書上下旁搜左右采獲欲纂爲蜀文獻志而未果也悼手澤之如新悵往志之未紹罪謫南裔十有八年辛丑之春值捧戎檄暫過故都大中丞東阜劉公禮聘舊史氏玉壘王君舜卿方洲楊君實卿編錄全史而謬以藝文一局委之慎乃檢故籬探行篋參之近志復采諸家擇其菁華褫其繁重拾其遺逸翦彼稂稗支郡列邑各以乘上又得漢太守樊敏碑於蘆山孝廉柳莊敏碑於黔江文無錯訛刻猶古剗東阜公喜曰漢碑之傳於今中原亦掃跡矣乃今得茲於遠邦不

新都縣志

第六編 文徵

十五

謂斯舉之獲乎唐宋以下遺文墜漢駢出橫陳實繁有疇乃博選而約載之爲卷尙盈七十中間凡名官游士篇詠關於蜀者載之若蜀人作僅一篇傳者非關於蜀亦得載焉用程篁墩新安文獻志例也諸家全集如杜與蘇盛行於世者祇載百一從呂成公文鑑例也同時近諸大老之作皆不敢錄以避去取之嫌循海虞吳敏德文章辨體例也開局於靜居寺宋方二公祠始事以八月乙卯竣事以九月甲申自角匝軫廿八日以畢食時而成既愧劉安之捷懸金以市又乏呂覽之精乃屬鄉進士劉大昌周遜校正而付之梓人昔漢代文治興之者文翁禮殿之圖後世建學倣焉七十子之名馬遷之立傳徵焉當時號爲西南齊魯岷峨洙泗文之有關於道若此繼文翁而

作者今之阜翁歟獨懷慎華顛白粉舊植荒落不足以揚四子之芬而成一邦之史也恕其不敏補其未備尙有翼吾黨之助焉

改修龍門書院序

楊道南

龍門書院東街二公館其舊址也創自乾隆甲戌年王公垂綺泊己酉署事刺史任綺君募都人士捐資徙建於斯且置買田畝以作膏火立齋長以董其事歷任列有章程俱刊載於碑茲不復贅但書院坐而向東前乃文昌宮地形窄狹不宏廠予蒞任課試親詣其地見講堂兩廡尙堪爲諸生藏修地惟大門爲文昌宮所壓不雅觀因思書院爲人才彙聚之區亦文明向陽之象宜改觀以宏體制遂與齊長等議及此事齊長曰欲易向須改作坐北向南不需另購材木特

新都縣志

第六編 文徵

十六

下磚瓦將講堂兩廡改易其向修大門以壯其觀工不甚費而事可成矣因將本年膏火費用以外所積若干金修而成之計自興工以及告竣但用銀一百一十餘兩不募化而集事事半功倍越次年復將所贖金置買大悲寺地前後二段計丈一畝三分共費銀四十兩有奇誠盛舉也嘗考歷年書院或捐項買田或將寺院餘項置田載在集碑章章可考爲延師修脯及膏火用費等項俱有餘資惟董事未得其人半爲侵漏今齋長能用所當用樽節愛養遂有餘積以新斯院履斯地者大門體制宏敞講堂兩廡亦侈行換步煥然一新前不受壓後復寬容梧桐高百尺而鳳凰來集湖海渺無際而蛟龍起舞物旣如此人亦宜然從此遊斯地者藏修游息人爲醇儒出爲良

佐皆足鳴國家之盛以成文獻之邦也豈不美哉經修書院齋長李萬裔余維信陳維賢趙之璠楊殿颺陳今我王運新廖含章八人例得附書時嘉慶二十年歲次乙亥黃鐘月

重修龍門書院記

張奉書

新都小邑也而邑之人多好義凡有禪一邑之事倡之靡弗舉由來久矣考志乘龍門書院創自乾隆十八年邑令王君垂綺率邑人捐修於縣城之東五十四年任君琦以其地近市移建於此避囂也地雖稍偏亦甚隘房舍僅數椽士之好義者以限於地往往徘徊不得入諸生膏火又以經費短絀額數甚少余蒞任後亟欲擴充之以建考棚修聖廟暨桂湖養濟院白螺泉清白天橋諸橋相繼興作未遑

新都縣志

第六編 文徵

十七

也道光戊戌米價偶貴邑之好義者捐糶以平之事竣有所餘因購田五十四畝歸書院厚其膏火增其獎資以勵其志而土木之費無所出邑中向有公局以民力濟功亦義舉也余循其舊每事撙節之歷年多贏而少絀癸卯夏核計贏數度足工用因謀於衆曰書院爲造土地規模卑狹不足庇寒峻蓋以所贏增其所少乎衆曰諾爰令汪生作霖魏生源普董其役鳩工庀材陳生有挺又捐其毗連隙地前後共二畝有奇以廣之高其閘閔植以材木以壯觀覽於其後增修堂廡縱橫十一間閱三月而工竣自茲以往執經問難之士絃誦游息足以展布無俟皇皇焉趨起於門墻外也嗟乎余以丙申之秋來宰茲邑荏苒將八年愧碌碌無所建樹以裨邑之人而培人文卹

煢獨重農利涉諸鉅工余獲以次而舉皆好義者有以成之余何功焉書曰作善降之百祥比歲百穀豐稷人民壽康豈無感召而然耶况彬彬多士由此爭濯磨德日進而學日宏濟時達道致閭里榮爲邦家光尤好義之報所必然者諸生勉之時道光二十三年歲次癸卯仲冬月

錦水河天緣橋記

天下事莫爲之前雖盛弗開莫爲之後雖美弗成凡有興作莫不皆然况興大役圖大功詎不重賴非常之人爲之維持於其際也哉特是人情每銳於謀始而怠於圖終樂於觀成而疎於赴事非實心實政先勞後倦之君子繼起而善後焉則一實難以成山九仞猶爲棄

新都縣志

第六編 文徵

十八

井而欲其聿觀厥成也其道無由然則成終之所係不更大且要歟新邑南隣省會北達京畿當水陸之要衝屬往來之孔道而沱江錦水皆經境內昆橋即沱江支水其流稍殺惟錦水爲獨大而河口亦最廣值春夏泛漲之時汪洋浩瀚茫無際涯雖設舟以濟而覆溺時聞至秋冬則編竹續木一棧僅通不惟行旅苦之即驛使星軺亦難免濡軌淪胥之嘆邑人士蒿目艱虞罔能發策安知非天留大功以待兩賢侯之開於前而成於後也乎稽王公之始事也在乾隆戊寅之四月而董公之成功也在乾隆庚辰之九月中間未及三稔而千載不朽之功百世不刊之利卒底於成雖爲因爲創事各攸殊而其先勞無倦本實心以行實政則固不謀而合先後同揆也方王公之

謀始也躬親勸諭分俸倡捐鳩工學材知人善任其一時之響應樂助戮力殫心者固遐邇無間也無如中道捐館遂至奸宄叢生幾敗乃事幸天降明賢我董公乃宰斯也下車伊始即稟命令上憲先理是役公忠者獎勸之貧墨者屏斥之剔弊釐奸信賞必罰重興未竟之功大振中隳之業以故人心悅服河伯效靈勿亟而來不令而速未及一載而大功告竣橋長若干丈廣若干尺得洞一十有九築堤岸數百餘步儼若雲龍臥波長虹跨水落成之日遠近懽騰人民慶洽奔走絡繹而來觀者日以萬計莫不歌我公之功頌我公之德祝我公之位祿名壽與貞珉永固錦水俱長也而我公方謙讓未遑曰凡此皆各上憲平政行惠逸道使人之至意余特仰體於萬一耳又

新都縣志

第六編 文徵

十九

何多焉是我公之大有造於新即以斯橋爲權輿疇謂成終之偉烈不且遠軼於開始之雄圖也乎昔子路治蒲溝塗備飭孔子曰善哉恭敬而信乎一溝塗也而稱許若是設以我公之功而在前日其見許於聖人更何如也特念底績策勳固屬人事而開物成務實木天緣兩公之於茲橋也彼此不必相謀而前後如出一轍且經營之始興丁開挖不上不下恰得古橋椿百十餘株摹其形勢與斯橋若合符節者然其興廢之時世不可考矣謂非人事當興天心協應取天緣以名橋不誠不刊之至義哉僉曰善請勒諸石碑後之踵事者有觀感焉

重修毘橋記

曹焜

新邑西偏舊有石梁跨於河上名曰昆橋廣博寬厚高幾許環九洞以通五達之衢抵省行路河即錦江上流由灌口經郫崇夾天彭之水入橋下勢至急也橋未悉始於何時數百年來民安其利康熙某年橋圯土人出錢修之五十八年橋成迄今四十有餘歲再圯每歲斬木支架以援往來夏水漲激輒復漂去予於癸未甫蒞茲邑周覽城郭溝池樹渠之固未嘗不以斯三致意焉然時非農隙且河流既廣梁非輔而爲厚則易壞易壞則行者病歲事更作則居者勞仁政之舉將失其旨是以衡材選匠緩又逾年歲乙酉乃集邑之士庶耆老而告之衆聞則欣然奮起各樂輸金穀以襄厥成予雖不欲以公事費吾民善已不可遏噫嘻從善如流眞新邑民風之謂矣丙戌冬

新都縣志

第六編 文徵

二十

工尙未竟予又奉命調繁成都邑民攀轅遮道塞至橋側因顧乃衆曰是即予之闕政也究有何德而衆若此耶民皆瞿然曰公甫來事以吾儕爲念因有斯舉公今去吾儕能不以公之念爲念哉今年冬果以工竣來報新邑生周袞况子達智請予爲記予嘗考周官禮城郭溝池樹渠之固掌固以時修之而遂人以土地之途經田野夫問有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路其不及橋梁者非義有所遺也蓋五溝五涂莫不有梁焉故爾雅曰隄謂之梁春秋傳者九月除道十月成梁孟氏亦曰歲十一月徒杠成十二月輿梁成凡水勢崩迅一失故道則陵谷變遷石橋之利無從興民之病涉者衆若不厚爲計

其能免每歲更作之勞歟國家動念民治橋梁道路時飭地方官經理以冀鞏固勿重煩吾民或有一二好善者樂輸從公許具告上官分別嘉獎本朝樂民之善如是然後知新邑之風誠獨盛也今有勸以設義田樹家塾有切於其家猶輒相諉曷克如新邑之衆不私其財以濟人爲念也耶是則傳諸邦國天下則而效之善必有甚焉者古云好善優於天下蓋由是矣今則烏蓬竹筏過其下車馳馬驟經其上交相嘆曰此邦之善也今有以教之也予究何敢以衆力爲己有耶名曰毘橋毘厚也輔也必相輔而爲厚昔所云者意或取斯姑存焉可已

寶光寺羅漢堂記

劉景伯

新都縣志

第六編 文徵

二十一

羅漢之塑五百尊自南宋淨慈寺始也時天子駐蹕臨安南北講和將相多豪富亦足以見當日之宴安江沱猶夫東晉已今天下羅漢堂有五常州之天寧浙江之淨慈靈隱由累朝勅建陝西之景勝撫軍畢秋帆捐建於乾隆世也湖北之歸元富民李本忠捐建於道光世也新都寶光則妙勝禪師募捐自建於咸豐元年於是海內羅漢堂有六非天下太平之久三川無桴鼓之驚莫由臻斯盛也然二年冬粵匪陷武昌燬歸元新都適足補歸元之缺而不能有六也豈天亦若有成數以限之歟且景勝建於撫軍歸元建於富民皆資大力者爲之妙勝禪師嘗以壯年走京師南遊淨慈靈隱及天寧袖其國像由武當越房竹西歸凡三十年而歸成巨構以天下觀之旣見羅

漢堂之不常有以師言之又見成此者不易傳曰有其舉之莫敢廢也任持茲山者能與淨慈靈隱天甯景勝同其不廢焉庶不負創始之勤勞歟

劉景伯

寶光禪院募修經樓記

出成都北行四十里爲新都治郭外百餘步寺名寶光唐悟達國師所創構也咸豐二年妙勝上人來謁請曰昔國師扈僖宗蹕住錫於茲草創而已北宋圓悟禪師始拓其規明宏正間邑豕宰楊文忠公捐資締造而燼於獻賊之屠川國朝康熙九年笑宗師始起山林未有經樓也乾隆十四年恢彰師始募建之未有藏經也不憚艱險以道光十二年走京師請經以歸三藏完備爲經樓漸圯矢願募修達

新都縣志

第六編 文徵

二十二

官貴人佈施絡繹以二十八年築基建樓九楹高五丈東西靜院二所至咸豐元年工戕自山林初啟七十有九年而後建築八十有五十年而後請經又二十五年而後重建終始其事者一百九十三年余老矣願先生述其顛末昭示來茲又三藏者曰經猶儒之五經四子曰律猶國之憲典曰論猶儒之傳註闡明奧旨惟先生是賴余曰經與吾弗知儒者之道則嘗聞之矣天下有道則治無道則亂今天子仁孝承六代積功累仁後宵衣旰食未敢佚康而莠民盜兵潢池屢作不豈起猶有苗頑之未格歟抑蒼蒼者之乘除轉運有不可測識歟觀於寶光而慨然於廢興之故矣古今沿革大抵相同高臺深池綺窗朱戶或一廢不可復興或再興之後不能復振寶光有廢必興

時新建羅漢堂大工將竣間偕同輩往登經樓金碧瑩煌目所罕觀因語妙勝曰非師之奔走經營無以至今日非國家太平二百年之久亦未易完此功行也昔者悟達當干戈擾攘之際又經王建孟知祥後先躡蜀而琳宮梵宇歷久彌新豈不以倍皇所駐蹕歟然唐有天下幾三百年如華清萬年節金玉千雲霄爲太平天子所遊幸者今皆無一在新都距長安二千餘里僅存一駐蹕之寶光迺得終而復始以至於無窮則又繫王靈之呵護而存乎志行之專勤與人心之好尚也已

漢故征西將軍馬公墓碑記

陳 銛

維將軍姓馬名超字孟起陝之扶風人仕漢爲將軍鎮守川之西陲

新都縣志

第六編 文徵

二十三

扞衛全蜀號征西將軍年四十有七而卒以功謚威侯葬於吾邑之南郊一里誌册可攷而故明按察使楊公瞻恐其久而或湮爲立碑表於道旁大尹王公九德司馬錢公紹謙前令邵君年齊又同立碑於墓前昭功德示護守也乃有里民李氏者私葬其父於將軍墓之貼近右側自丙寅迄今四十八年矣且又菑畬其前餘地而劉氏又葬其婿於將軍之墓左予宰於斯訪求古名臣遺跡知其狀旣惡其民之不義也又諒其未聞將軍之豐功厚德也爰拘而懲創之且曉諭之曰汝知征西將軍之功乎蜀之西曰羌曰番曰蠻逼近西陲桀驁難馴旣不可以文令又不可以武競惟是將軍神威素著西夷號爲神將皆帖然懾服終其世不敢內侵將軍歿後代有西患或至震

驚蜀都以是思將軍無赫赫之功其功愈大無煦煦之德其德尤深蜀之人當世世尸祝之其葬於吾邑也尤當欣喜而愛護之以致報功崇德之心以慰將軍之靈乃踐踏侵占使天下之人謂吾邑固如是其負義也其何以爲人且忠烈墳墓樵採有禁罪將奚逃於是李氏昆弟如玉等及劉氏皆惶愧無地謂愚昧得罪於將軍今始覺悟退地移葬予喜秉懿好德之終不泯於人心而將軍奠安蜀民之功千古常新也既而李氏念其父葬已久棺骨或朽籲請免遷予又思將軍之靈深愛蜀民既容四十八年矣或克當神意役使左右俯允所請乃與里之民約且立四石於墓之四隅距墓一十八步以定爲將軍墓域嗣後有敢於域中樵採者耕種者侵葬者律無赦爰爲記以刻之石云

漢驃騎將軍領涼州牧繁鄉侯謚威侯馬公墓誌 馬維祺

人必具有卓絕之識見然後能立非常之勳而垂不朽之譽否則雖有瑰瑋奇特之姿而阿附非人不過邀榮於一時必貽訾詈於後世載筆者且與奸佞嬖倖同傳良可慨也如漢征西將軍馬公孟起之識見誠有爲當時英傑之所不及者公之驍勇爲一時冠值漢魏相爭之際漢弱而魏強况曹操挾天子命令素有愛才之名其時逸羣絕倫之士誤入彀中者不可勝記公則知漢爲正統操乃國賊棄強以就弱實去邪而歸正成敗利鈍非其所計宜乎生前功業死後馨香雖不及壯繆桓侯然幾與順平平襄相埒不亦宜哉公墓在新都

縣南五里許乾隆中曾置祀守歲久廢弛幾沒榛蒿余以巡師過此
紆道展謁見其塋土傾圯碑字漫滅其非所以崇先賢而勵後來也
爰商令尹鄧君隆暨都人士等重加修葺並為棟宇三楹以資焚獻
余更捐資以葺其事工竣都人士屬為文泐石因綴數言以質後之
知人論世者至公之家世勛爵歷史可考昭昭在人耳目故不贅述
焉

新都水利考

魏用之

昔在神武敷土奠山決九川濬賦澮奏庶艱食水利之興權輿於斯
矣然梁州之域岷嶓既藝渠堰不傳禹豈忘民之利哉蓋漉沉澹蓄
未遑及其細也降及秦漢李冰鑿離峯壅江作壩穿郫江檢江灌溉

新都縣志

第六編 文徵

二十五

三郡文翁穿湔泱口作湔堰溉田千七百頃民得其饒是謂流膏茫
湔漫沃至今稱焉自時厥後水門提闕踵事而興由漢及明墾闢倍
多浸漑益廣然常志紀蜀不載新邑渠堰歐史志地理一渠之開一
堰之作無不紀之其縣之下而新邑弗書豈故沒其事歟抑在上者
盡父母斯民之責不以興一制立一政沾當時之譽故弗彰歟夫任
其能竭其力以為其所當為而不求其傳於紀載此賢者事也徵文
考獻以為百世之鑑又後來者責也然則考其原委詳其規畫以知
生民立命之原水利之志其可或略歟夫湔新邑東北之巨浸也自
都江而下益以蒲陽南溪瀾濛諸水其流遠其澤沃其流遠則受天
陽者多其澤沃則發地力者速故民之引以溉者其收皆畝二鍾湔

之分流以十數清白江爲大堰於清白江者以百數楊柳堰爲大由楊柳而南爲蘿蔔堰爲興隆堰爲新開堰爲三尺堰爲流水堰爲天星堰爲老流堰爲半邊堰爲粟米堰而上馬棚下馬棚縮穀其口經始之功書缺有間矣而民之食其利者至於今不衰豈所謂流膏者耶渝邑東北流沱西南流沱之源首受都江都江而下爲北條河東過唐昌爲沙子河又東過繁爲毘河夫毘亦邑之巨浸也毘之傍多沃野旱則引水浸潤雨則杜塞水門記曰水旱從人不之饑饉其毘之謂乎而堰之功不關於邑者不具書書其在邑者曰麥黃堰新開堰近乎毘者曰錦水錦水亦邑西南之巨浸也其源分於崇寧之石壩錦水勢紆迴石壩迺其衝當夏漲石落河身淤墊錦水之來者不

及十分之三故民間歲首以淘石壩爲先務而上馬沙宋漢白水錦江上下鐵椿諸堰以次舉介於渝與錦水之間者曰繡川水濼迴岸堅無衝突之虞川之旁其民好稼穡勤五穀地重重爲邪其畝入歲可二鍾而贏其爲堰也曰瓦子堰曰新開堰曰老鸞堰曰石匣子曰土沱堰由石匣而分堰者三曰回回堰曰蓮花堰曰小堰由土沱堰而下爲南河爲北河南河之堰四曰金斗堰曰趙村堰曰石頭堰曰黃土堰北河之堰三曰二扒堰曰吳家堰曰新開堰凡堰之事十有五而繡川亦邑東北一巨浸也襟帶乎縣城者曰水利河河源錦水之白水堰其水曲如環自邑西折而東南流岸高逾尋丈田之高者不易溉居民多爲筒車以引水故水利河諺謂之筒車河而田之

低者仍資乎堰曰小白水言踵白水而興也曰桂花以種植名也曰頭堰二堰三堰以數紀也對峙於城之南曰學門縣爲明楊文憲公故里薰其德而善良明經飭行者比比故文學之盛以堰名也跂立於城之隅者曰清涼地舊有清涼寺寺廢而堰存也曰蕭公曰天星曰板橋曰土地曰油榨曰沙堰或以人紀或以神紀或以物紀也凡堰之事十有三而城隅又得一巨浸焉此其大若有梁有柱有闌有蓋有堦耳有送水有梅花椿有菱角兜有蛇蚶籠其於人也有長有吏有夫有約有甲其於材也有金堂峽之石有岷江之竹箭有灌口之梗枏杞梓松柏豫樟其取民也有以畝計有以糧計有以田之數計其作之以時也自冬徂春縣於是責之長長於是責之吏若夫其

用之不濫也歲終則會吏以是會計於長長以是會計於民而其巡而察之也則在良有司之留心民事不以地遠爲勞不以堰多而倦且夫賢者之舉事也豈惟是興制改法節小民之觀聽云爾哉必將斟酌乎瀦蓄之宜詳悉乎宣洩之利經畫乎疏瀹決排之功經緯條貫脈絡交通洩而不竭蓄而不盈然後斯民無旱乾水溢之憂不煩督責而農事無不治夫舟輿衣服之用餅盃登筮筥錡釜之器爲之者猶欲極乎美善况隄堰之制固國賦民生攸賴乎且上之勞於民者亦未易一二盡也一邑之中有大堰有小堰大堰官督民爲之小堰則每歲聽民自舉然上之咨於民者猶恐不至也歲云春矣府以告於縣曰汝鳩汝工都江其放堰汝毋後時縣以告於民曰汝鳩

汝工鄱江其放堰汝母後時當是時趨者集者任者輦者挽者史者
縛者錘者度材本者細載來者坐而結者立而營者深淘若鶴俯啄
者小大斬斬母或惰偷母或詖詘然後知順天時通地利利物曲裕
民力舉於一堰寓之夫豈以堰之小者民自爲功而遂擯而不書也
哉今試即其小者紀之湔之支流由蘿蔔堰而分者爲趙家堰爲蔣
家堰爲官堰爲樊家堰爲板板堰爲石堰爲柳家堰爲沙沙堰爲包
家堰凡堰之功九邑之田溉者十之二而其制罔不同湔之支流由
興隆堰而分者爲竹閘堰爲黃金堰爲金牛堰爲豆腐堰爲楠木堰
爲瓦窰堰爲螃蟹堰爲黃土堰爲古老堰爲瓦子堰未已也東播爲
兩河由南河而下爲上沙堰下沙堰由北河而下爲藍布堰爲馬扎

新都縣志

第六編 文徵

二十八

堰凡堰之功十有四邑田之溉者十之三而其制罔不同湔之支流
由新開堰而下者爲鍋底堰堰之南歧爲趙家堰爲董家堰爲回水
堰爲張家堰爲劉家堰爲黃土堰爲板板堰爲高堰爲熊家堰爲截
箕堰爲矮子堰爲周家堰堰之北歧爲和尚堰爲規槽堰爲冉家堰
爲元通堰爲許家堰爲魏家堰爲陳家堰爲黃金堰爲雙水堰爲劉
家堰凡堰之功二十三邑田之溉者十之三而其制罔不同此皆導
源於清白江者也若夫導源於錦水者自馬沙堰而東爲釣筒溝爲
靈官堰爲大夫堰爲踏馬堰爲麥黃堰未已也東別爲觀音堰爲木
通堰爲娃娃堰爲石地堰爲賀家堰爲牛角堰爲規槽堰未已也又
東別爲瓦窰堰凡堰之功十有三邑田之溉十之二而其制罔不同

導源於沱水者馬鞍河亦曰小毘江由成都千功堰東別爲龍門堰又東爲黃沙堰凡堰之功三邑田之溉者不及十之一而其制亦無不同此其遠者相去十餘里近者七八里至近亦二三里旱則閉以留之潦則開以洩之溝洫通而水利溥斥鹵之地化爲膏腴而地之沃者無論也沱湔沃壤之稱其以是乎至若與湔異源者邑之北則白螺泉而高堰韓家堰高家堰封口堰作焉南則小西江而石包堰田家堰劉家堰作焉大者溉百頃小者潤一隅深淘低作在在多有節宣之功不可勝數夫邑之西北地高而水亦高滋液滲瀉固無生不育也邑之東南地高而水深水深者無滄沒田疇沉溺廬舍之懼而灌溉常艱故民間作堰有水平有水則有水約有水輪往者都水

新都縣志

第六編 文徵

二十九

之官不思權變之制因陋就簡水輪嘗患不足今天子愛養民生興修水利一時司水府者因時制宜都江大堰逾於前者數百丈而民間朝暮之輪崇讓息爭此豈徒多黍多稌爲豐亨豫大慶哉衣食足而禮讓興唐虞三代之民蓋將於渠堰之成見之矣

古榴贊

朱 蘄

新都尉署古榴傳爲楊升菴先生植翫然闐然狀奇詭漲君榆南勒碑以誌蒞請爲之贊其詞曰 匪槐而龍匪松而壽臥者柳僵撐者梅瘦軫輻連蜷騰拳駭闕植自前朝升菴之嚮吁嗟先生始蠲終瀆其身則謫其文則傳先生之作如榴斯華躡轢六朝朱明燦葩生尊青黃榴乎幸免先生富貴文運之蹇天地長留孰與修撰昔在陽九

猘猶牙蜀文獻劫灰禍逮草木榴蟠於茲不隨陵谷偉哉先生神明所弼暑雨枝柯祁寒根節久而彌堅如見忠烈大禮之疏廷杖之血桂湖可竭榴不可折我本滇人幼謁公祠來遊於蜀廿載爲羈展先生墓讀先生詩見榴再拜先生我師

彌牟鎮何孝童碑記

春明

孝童姓何氏名國興小字水保邑彌牟鎮人也性至孝閭鎮周知家貧父廷楮負販爲業母鄧氏素忠癱臥牀褥孝童日侍左右未嘗遠離一日父謂國興曰我在外乏人經理曷借我去孝童泣曰大人命不敢違第吾母臥病已數年既無伯叔終鮮兄弟兒去母將誰待廷楮聞之惻然亦不强也遂去會壬午閏三月夜鎮遭回祿延燒七十

新都縣志

第六編 文徵

三十

餘家火烈風猛鎮民扶老攜幼紛竄號泣之聲不絕於耳孝童急入室負母力不勝復出外呼號求救人無應者乃復入火已至不可復出遂抱母而死時年十三嗟乎人子之事親也惟孝爲難耳虞書致頌於克諧周易占吉於幹蠱屢乎尚矣下之則有泣竹臥冰懷橘扇枕者未始非孝也然求之於縉紳詩書之族則已難而况求之庸愚之中尤覺其難乃何以髻穉之年猝遭變故計不能出母甘以身殉其精誠實有大過前人者殆亦天性使然歟亦我國家仁孝治天下凡在草野罔不沐其雅化故臣與臣言忠子與子言孝知深仁原澤陶淑之入人者深也不然一童子也何能若是哉茲紳士等請予嘉獎乃泐石道旁豈惟一邑之幸亦守土者光也故旌之以勸來者

聯雲棧賦

楊廷宣

己卯之歲時方冬矣臘云莫矣余年過賈生學慚董相怔怔營營內不自定由是謀邁於行載言北征擔簦負笈陟岵拔阻攝穹陸控青雲扣天閭順風而稱曰肇元黃之既判兮迺陽浮而陰橐嗟大塊之茫茫兮孰則排而山鑿帝既設此靈險兮余總卬聞乎棧閣肆臯圖之廣運兮都形勝乎燕漠眇蠶叢之建國兮隅星兮平井絡聯秦帶蜀方五百里兮繚咸陽以爲郭阻褒斜之良隆兮擁岐嶽之巨壑推隆理與替墜兮亦概聞乎往索良既策羽以絕望兮委回祿以燹灼何退身而鷲擊兮思駕馭乎帝略迄超漢而歷楚兮遂用建夫三恪陽中路以迴車兮紛不爽於髮膚白發嘆而長嗟兮意深諷乎彼夫

新都縣志

第六編 文徵

三十一

憤儀圖之詭秘兮誑金牛以爲訣憫元帝之遵駕兮忍蛾眉而西趨侈御愛之仙蹕兮瘁萬乘之玉軀蓋其危也足以駭駭巨麗而其至也不亦爲禦侮之天區夫山本其奧也石備其崇也水出其蒙也盤紆突兀岑峯崔嵬瀕洞深涯蒨蔚葑鬱天之所生也地之所產也鳥不得而翔獸不得而逸四時變化剛柔錯摩交構乎其中終始乎其內其雲則旒贈貽黯雯曇衣被膚寸漸深侯於木未遠視極黻邇之則黠薰於石礪駢於深谷爨黶淹流氛氲隱約窳曠屯需落落寞寞異於常態其雨則津津灼灼石潤林響瀑布滴珠滿壑盈瀨霑濕霏霽與地潛通豁徑注流煙樹瀾濛松膏林沐淖淨跼踏病於逆旅其風則飄飄颯颯轉山循谷料峭鬢發颯颯批亢巽二乘崖峻峯高颯

平抵微颺颺落木寒颺切肌石尤激射打頭周回延歷萬象莫之
可通其日則黯淡蔽虧斜景遏雲東閣西隅窺於中天曠杳晦冥翳
翳陰難未嘗昭晰其風俗之所習土地之所宜余故得並吞其所經
歷包舉其所問答而囊括其語焉於是存五德公子導余以喬關兮
嵌雲路之巖窅據寧嶠之扼塞兮羅萬象於景從聳巘岵之噍噍兮
怯衣繡之乘輿盤七曲而腸迴兮胸高目之睒睒瞰龍江之峩峩兮
瀉白練之霓虹余既登此絕嶺兮睜乎前觀藐乎後視拾級坎壈聯
步錯愕怔忡悸駭倦而色勃久而後定迺渡水閣馳青橋涉凌兢而
惘惘兮列御風而憑空側身竦而撇捷兮足秦法之重重嶮飛棟巘
巘嵯兮屹浮柱而增崇截王孫之便給兮礧礧礧而青葱飄雲樓與

新都縣志

第六編 文徵

三十一

霧屨兮比朝莫之仙縱搖不足以爲術兮憫征夫之溟濛儂鞠躬而
進登兮殆郭馳之形容馳丹梯下峻坂兮擬抱甕之忡忡亦旣身倦
而神罷兮迺偃息乎崖慵慵未極也訊往路以前山兮越馬道與武
關參差巷路偪側狹隘騎不得方人不得比吁嗟乎其赤帝之所興
首咸陽以入關兮降于嬰而嬰盟羽不得而爭驅兮適自茲以爲兵
故稱名爲劉豔兮意非此莫之與京因是以孟遊乎奧屏兮閱千古
之芳林於是有凌煙大夫挺壞梧負霄漢迺余而言曰翳前林之蠹
蠹兮豈非皇華之岐嶷楸檜障以蔽天兮鷗南溟之翼施旒猶龍之
蹇兮雜遘糾會之標枝蕩日月以扶疎兮榦輪困而參差杞強梁而
麗霄兮樗擁腫而鷓夷楊郅偃而膚敏兮檉垂身而委隨節美秀而

喬修兮紛篋鐘之陸離日極望而攢瞑兮何摧唯而鬱伊悲落木之
蕭蕭兮恣行人之浙炊風雨晦而濤起兮響萬壑之隆墀余稔遊此
窪筍兮管窺天而冥疑馳豫章之絕鞅兮駕鄧圃之平騎帳梁棟之
齷齪兮雖牛山其何爲彼其衆夥之富山桃石榴樾柿苦李小棗椹
柰楂梨棗欵朱榮祕生意錯綜懸岩潛隱乎其中不可殫述由是
踰三岔窺姜嶺山益進而窠岌樹益窳而縱橫憶岐豐之盛瑞播攬
德之美名於是有綠衿使者麗質修儀且逡且巡其氣也愒其志也
忡翊膝直前槩括以此山之靈音寶雞之耀羽兮托千里之峭嶮惟
樊籠之我求兮窮巖變而多縈彼蒼鷹羅鷲紛修翎兮屬玉交青鷗
鵝駕鵝晨風子規灘鴻鷓鴣白練沙鷄錦胸繡臆累黔啄兮羌有萬

新都縣志

第六編 文徵

三十三

而難拜鵲占歲而音妙兮鳥散聚而時鳴鸛宿霧而懷寶兮鴟乎類
而爲盟鳩招搖而曳尾兮鳩思婦而藏聲鸛獨立而不懼兮鸛依稀
而將迎鴻漸達而自得兮雁避北而從兇其他角毒之屬又未可以
須臾傾蓋而語班荆而坐對也聊舉虎豹羣而畫哮兮黃熊慢而遷
延狼跋胡而恣遊兮豪豬放而盤旋猓嫵媚而先後兮狡兔逸而長
便狡貌茁而豐蒼兮麋鹿呦而雲眠鼪鼯幻而躑躅兮狐貉衛而自
賢余因聽此富擬上林靡遺長楊公子王孫有智不能以施劉礪羅
弃有術不能以張王良何以款趙主造父何以駿周蹄徒縻思於行
李噫何補於攀躋既聘草涼之墟復背東河之西尖巒又呀隘若虎
關凌遲委蛇下若抃鳥崔嵬嶮嶮守若扼吭宋代之賢所以遇元兵

而一時之雄終不能向南鄭而窺也可不謂之壯哉天地設險高則
爲山深則爲水山之所峙水之所流於又見夫元冥先王之爲費也
濺洶濤泛濩養出崎嶇走灑漲隨余馬而犇流諒余行而相望岌岌
乎譎哉詭哉滔滔乎泓哉灑哉南通沔漢北入泝涓粵衆派之汎濫
兮觴礫確之彷徨經透邇而迅駛兮巒嶽蕙而鏗鏘碎震電之憑怒
兮嶮萬夫之阿房砥中流而瀆潰兮沸狂怒而溘湯霈幃蓋之澄澄
兮恍白鷺之翱翔凜三軍之旋凱兮搖甲冑之鐵裝撼韶護之夜嗟
兮奮馮夷之擊鏜灑雲根之溜篆兮濯白玉之琳瑯邁蝌蚪之灑灑
兮神太史之籀藏三江駭而奔鯨兮殺洛關而非常瓠子決而勻泮
兮呂梁隘而飛浪未有似此之崛岉翻溢厖觸騰驤况其時也竺寒

凝嶺沍凍阿僵冰崖珠絡雪巘瑤光人思挾纊之主屋存獬豸之霜
皎皎皚皚堅堅強強此亦過客壯麗之奇觀也瀟灑拂鬱滌沔腎腸
喜溢眉睫樂忘故鄉己而望秦塞之涓縈瞻太華之麗麓水東去而
長辭翠漸微而山促嗟乃平原之易地豈非前代之雄都乎余迺繫
離懷於山水寄餘情於巴蜀障庾歸之塵窮阮宗之躅薊門煙月蘆
溝曉昱輝煌乎帝里蓬萊乎京屋世態無常天時又速余於是復冬
往而春來兮殫未盡之芳踪忽寒暄之易剗兮訝風景之靡同嵐開
障麗石泮灘渾鱗鱗出沒鯁魴鯉鰻喁喁族族別孕鮪鯢獺入水而
四捕豹向岩而懷吞余始驚夫昔者之道而今者之溫故夫路蓊蒼
以彌深山爛熳而舒容百和異香徐來應風蘅杜茝蘭綠蕙幽薜蘿

蕪菹萑山椒蓀蓐有質無名殆不可窮藁本射干石芥菹薑溫韭香
菜赤根水芹豐蔚之盛何其隆歟若夫寶藏之興太守夜懷六奇反
閭熠燿繁光生乎古曠類乎石國則鳳山之彥也黑金巧冶積薪而
鼓鍛鍊成鋼許子之所耕而晉國之所賦近代求猿伐木披荆又有
夜光布網網牽百里則安山之奇也玉版雲英非濤非倫燦如白雪
膩如滑肌咸陽不足論其價山陰不足供其資西蜀賴焉三秦給焉
則武關之藝也伊所居之棟宇兮樹版屋以層甍隨凸凹以傑隉兮
無風雨之暴傾飯土鋤如上古兮然松膏以爲明性剛勁以質樸兮
讓濟魯之蜚英挑雲水於上山兮燒石田以爲耕種種稔以有秋兮
兼芋橡與蔓菁其官府之所寓舍則譙樓麗棟盛鶴搖鈴重門雙闕

新都縣志

第六編 文徵

三十五

井幹華程黝堊壁飾後寢前廳無菑無害庖食具精勞乎遠人達乎
帝庭其衣冠之耀則祿不易常用其武弁間以流宮統以方面毋暴
毋忝考其勤倦撫其人民而庇其所縣嗚呼皇風清穆兮四海無虞
山川奠安兮草木茂殊我生值此兮何德之腴余去故鄉千里兮獨
繼繼於茲隅以高山爲知己兮以流水爲鍾期以喬木爲朋友兮以
道路爲箴規名不見成功不可知手胼足胝化不轉移揚雄爲之解
嘲嵇駟爲之達辭齊師幾比卞玉屢齎惟守道以自全恐辱己而爲
嗤余故得假息於姒狄之館沉酣於吏部之醕先生見而嘔蜩使者
候之以長吁大夫腹非於其側公子反唇而挪揄噫嘻何吾子之倥
偬兮勞不憚於僕痛荷一往之足訴庸再來之可乎彼一握以爲笑

亦爲知音之爲吾匪區區之宦轍抑以攬聖世之皇圖未敢擬司馬
之遊不亦異傳奕之徒非聞子言孰策余驚言以足志竊效漢儒迺
相與忘形共賦於開山之途

新都南亭送郭元振盧崇道

張說

竹徑女蘿蹊蓮洲文石隄靜深人俗斷尋玩往還迷碧潭秀初月素
林驚夕棲寒幌納蟾影理琴聽猿啼佳辰改宿昔勝寄坐暎攜長懷
賞心愛如玉復如珪

暑行憩新都驛

陸游

細細黃花落古槐江臯不雨轉輕雷長空烏破蒼煙去落日人從綠
野來散策急行尋水石脫巾高臥避氛埃羈遊未羨端君樂看月房

新都縣志

第六編 文徵

三十六

湖又一回

早發新都驛

陸遊

喔喔江村雞迢迢縣門漏河漢縱復橫繁星月如晝愛涼趣上馬未
曉閱兩堠高林起宿鳥絕澗落驚狝寺樓插蒼煙沙泉瀉幽竇我行
忽萬里坐嘆關河溜官如廣文冷面作拾遺瘦今年盍歸哉勿落春
雁後

新都驛平遠軒

劉望之

霜晴木落送歸鞍袖手微吟此慰顏
賸欲憑欄招白鳥更煩翦樹出
青山晚悲薄祿非三釜賴許清詩見一斑
纔得恨我寧歸臥尺椽問

軒有外氏周次
元帥蜀時詩

遊彌牟鎮菩提院

陸遊

絳英翠葉亦佳哉零落空庭瑪瑙杯
遍雨新花天有意定知閒客欲

閒來

佛經云天風吹萎花更雨新好者

遊彌牟鎮王氏園

文同

短竹疏籬入野扃竹煙松露滿襟
清奔湍激險飛寒響弱蔓穿深挂
晚英惜去更觀曾璧畫記來重注
舊題名門前便是紅塵道誰肯同
過洗俗纓

月波池

方芾

西郊池館訝天開勺勺清泉絕點埃
春早魚龍爭變化夜深星斗見
昭回淵澄自昔登銀漢潮落於今
長綠苔淑景莫嗟興廢事波靈容

新都縣志

第六編 文徵

三十七

易去還來

直渠

史欽

渠直儼如矢微風漾碧波遠峯沉玉筆
點水亂銀河預兆金泥信先
占白紵歌遙瞻留塔影禾舞黍佳佳

彌牟鎮驛舍小酌

陸游

郵亭草草置盤盂買果煎蔬便有餘
自許白雲終醉死不論黃紙有
除書角巾墊雨蟬聲外細葛含風
日落初行遍天涯身尚健却嫌陶
令愛吾廬

九月十日如漢州小獵於新都彌牟鎮之間投宿民家

陸游

適從邛州歸又作漢州去天低慘欲雪遊子悲歲莫十年辭京國匹
馬厭道路野火炎高岡江雲暗空戍角弓寒始勁霜鶻饑更怒邂逅
成小獵尺箠聊指呼北連武侯祠南竝稚子墓合圍蹙窮鹿設伏截
狡兔壯哉帶箭雉耿介死不顧吾寧暴天物戰法因得寓黃昏過民
家休馬燎裘袴割鮮盛燔炙毛血灑庭戶老姥亦復奇汎掃邀我駐
丈夫倘未死千金酬此遇

獵罷夜飲獨孤生

陸游

客途孤憤只君知不作兒曹怨別離報國雖思包馬革愛身未忍價
羊皮呼鷹小獵新霜後彈劍長歌夜雨時感慨却愁傷壯志倒瓶濁
酒洗餘悲 關輔何時一戰收蜀郊且復獵清秋洗空狡穴銀頭鶻

新都縣志

第六編 文徵

三十八

突過重城玉腕驕賊勢已衰真大慶士心未振尙私憂一樽共講平
戎策勿爲飛鳶念少遊 白袍如雪寶刀橫醉上銀鞍身更輕帖草
角鷹掀兔窟灑風羽箭作鷗鳴關河可使成南北豪傑誰堪共死生
欲疏萬言投魏闕燈前攬筆淚先傾

謁諾葛丞相祠

彌牟八陣原上

陸游

漢中四百天所命老賊方持太阿柄區區梁益豈足支不忍安坐視
異姓遺民亦知王室在閏位那干天統正公雖已歿有神靈猶假賊
首誅鍾鄧前年我過沔陽祠再拜奠俎衰淚迸潔齋請作送迎詩精
忠大義神其聽

彌牟鎮孔明八陣圖

王剛中

我稽八陣圖規模載方冊竭來鎮西川夔門觀壘石賦詩百餘字字
字究來歷進涉漢州西彌牟鎮之北平原列堆阜灘石同一式細思
作者意孔明有深策高岸或爲谷灘石存遺迹滄海變桑田平原猶
可覓故今兩處存千載必一得再歌遂成篇當有智者識

過新都彌牟鎮閱武侯八陣圖

劉侃

彌牟鎮前秋色碧臥龍祠下秋蟲泣我來息馬一登臨荒碑重拭龍
蛇跡西風吹草綠烟開萬里蕭蕭滿日來縱橫欲吐風雷氣錯落還
如星斗回圖中雲鳥人不識圖上遺塵人共惜蜀國山河幾變更中
原鹿走無時惜古來戰壁滿乾坤落葉隨風不復存何似彌牟一杯
土勢抗玉壘爭崑崙

新都縣志

第六編 文徵

三十九

彌牟道中望八陣圖遺址

王士禎

落日彌牟道霜風百戰場青天迴玉壘遠樹出華陽陸海三都闊雄
圖八陣荒臥龍虛故蹟駐馬惜降王

彌牟八陣圖懷古

果親王

葭萌辭舊堞廣漢得新都圖與峨眉壽名同井絡孤昇平先六府保
秦在三謨八陣存何意惓惓渾一模

八陣圖

在彌牟鎮東
遺壘僅存

許儒龍

武侯遺跡蜀多有瑰瑋靈奇神所守彌牟鎮東故壘存八陣分行互
奇耦天衝地軸自縱橫虎翼蛇蟠尚紛糾歲久耕犁不免侵路旁凹
凸十存九夔州遺廟對江濱魚腹浦間陣圖久森森石藎立江中水

鬻沙淘敵重旱吏如僻左號棋盤隱約遺跡同不朽其法屢變用無
方神機秘密誰能剖我聞黃帝昔傳心涿鹿之戰克羣醜竇憲馬龍
亦頗諳立勛異域相先後名垂宇宙獨歸公事以人傳良不苟才略
洵堪伊呂儔忠誠亦是顏曾友三代以下公一人一器一物千古壽
况是神明運此圖示之古法期人厚塵埃碌碌誰可言風后握奇徒
在口掀髯高論氣如虹裂眚苦闕功爲狗邊烽不息兵尙屯坐嘯將
軍印懸肘殺以止殺古所云勝於易勝今然否五利寧知魏絳功莫
敖總爲蒲騷狃丞相天威服遠人至今祠祭輸牛酒師侯此意御諸
夷鳥在網羅魚在罾陣圖雖設將壇空獵獵高牙風怒吼欲排闥闔
起先生定軍山下旌旗走

新都縣志

第六編 文徵

四十

八陣圖歌

彌牟
鎮作

李調元

有客騎馬來新都逢人指點說彌牟森然魄動下馬拜武侯八陣遺
荒墟緬古軒皇授神術布軸抗衝森紀律卦義微參數更靈井字成
行制尤密蚩尤殲戮著奇功千載獨傳諸葛公五行操算由天授六
花變幻非人工是時高壠狐兔嘯四面林樞鵝鸛叫車廂折衝烏翔
火飛翼浮沮龍騰跳橫天鶴立儼成行匝地魚麗不可釣憶作三聘
翻然悔茅廬本爲蒼生起身比管樂殆過之心折關張良有以圖成
犄角誰能攻綸巾羽扇何從容畏蜀當年同畏虎得狗如今羨得龍
惜哉出師方盡瘁內蠻跳跋分其勢車蒙未得驅中原鋸齒空教吞
虜地事壞誰當挽天迴心傷不獨指星墜至今怒氣鬱沙麓屢遭剗

平仍磔卓戰場殘廢爲民田往往犁邊拾古鏃月黑時聞金鼓聲天
陰疑有鬼神哭君不見棋盤市夔州城今人亦有能兵者黑白枰中
總不清

八陣圖

張邦伸

彌牟鎮前舊土壘人傳八陣當頭圖解鞍下馬細審視按之圖誌無
差殊土城遺址久殘滅四門二首均已無惟有纍纍魁排列百二十
八猶森如魁方一丈高三尺如星如奕如聯珠棋盤沔陽數加倍後
世強作下營呼魚腹江邊號方陣厥數減半仍其虛憶昔武侯此教
戰演用重易通元樞天衝地軸挾蛇鳥風雲龍虎環四隅中建大纛
司號令指揮百萬隨卷舒鏡鑷夜鳴山岳動旌旗晝掩熊羆趨吾聞

新都縣志

第六編 文徵

四十一

黃帝制軍陣井字肇分中外區涿鹿一戰清霾霧蚩尤負固干天誅
握機生剋出風后六韜令略歸陰符鵝鵠魚麗遞祖述常山應變沿
孫吳惟公步伐參新意車蒙鋸齒憑山隅從來王佐本天授神悟類
不關傳書永安宮中受顧命慷慨自矢匡遺孤心知漢賊不兩立南
人未服先渡瀘叩竿再騷計日下操縱孟獲如嬰雛回兵北伐出斜
谷雜耕漢沔籌諸胥木牛流馬供輓運車聲直逼東西都誓將次第
殲吳魏不使生狼生豸繼金刀數盡天弗祚大星夜落驚啼鳥仲達
周視按營壘奇才天產頻嗟吁我公精氣貫日月遺迹在世神護扶
時從陰雨聞金鼓那有窟穴藏妖狐桓溫自謂能解識或亦約略觀
其粗君不見馬宣威當殿請征虜偏廂鹿角授方略迅掃涼隴風摧

枯又不見李藥師海上擒驕蘇六花小試向高麗遂教萬里傳頭顱
二公行陣守心法不啻親受南陽廬始知作術探元化千載尤可師
良謨嗚呼千載尤可師良謨我公真乃天人徒

觀土稚子石闕三十二韻

楊慎

東漢有循吏稚子與爲多既入東觀記復播樂府歌墓道鄴原上石
闕巍嵯峨左右三十字照耀錦苔窠八分隸尾隸千載耿不磨闕端
巧刻畫隱璘交森羅右闕向西陸左闕望東陀右騎馳華駮左挽以
素駝巢棲絕鳥雀櫓生無藤蘿前溪劉巨濟評讚無缺訛蘇臺盧師
邵垂聽下滄沱嗜奇搜曩曩弔古尋軸邁既樹柏松植仍禁樵採過
斯人已宿草遺鑄此邱阿重來已溷泐荒榛雜柔莎下馬奠卮酒重
此賢匪他傍觀耄及倪駭視訝且呵二子馮與任好古無殊科手摹
且腹劃絜維久蹉跎昌黎比金薤龍眠藏雕戈糾繆勸史傳豈徒工
磔波作詩繼獵碣辯口思懸河

王稚子闕舊拓本爲黃秋盦題

翁方剛

安陽亭西薦絃歌永初詔誦絲五紵異哉充公考雒水不知樂府從
孝和西川千年紀循吏柱天雙闕高峨峨大書持以郡表縣官閥次
敘無差訛當時記實非一語八分字字軒騰波續畫之工遺顧陸武
梁何足煩摩挲劉君米芾書畫友目視犀筍不足多近者漁洋役車
駐尙剔壘石加研摩惜哉此拓前百載黃君名翼聖字子羽躑躅空山阿匆
匆弔古摸未盡留此悵結情則那幾秋二闕失其一闕字半泐遑問

它前者馳訊陳廉使碑陰數畫昏傍戈今茲册裝字二十翳此寒鏡
晨初阿洪家所藏想正爾淳熙已誤濃墨磨塔影園中老文學定未
獲此勤切嗟婁機弗辨靈與質佩觿漫檢陂作頰百年又到黃氏閣
小蓬萊句誰共哦秋盃攻書復攻畫要補漢蹟窮隸蚪叫絕旁觀有
顧八打蘆寄書試傲桂未興羅兩待我蘇齋摹本出氣壓宋榻千丸螺
漢循吏王稚子墓 張邦伸

漢代重循良治績與古鄰王君少任俠意氣何輪困折節事經史律
令時討論初任功曹職割斷昭平均繼邀司農薦賢聲達楓宸溫固
多滑賊洛尤多冤民公至攝其伏一一撫以仁大禁鰲矛習重恤商
旅貧羣奸既授首風俗亦還淳寬猛交相濟四海欽若神一朝痛奄

新都縣志

第六編 文徵

四十三

逝萬口號青旻喪車入旁郡頌德尤津津綱目特書卒如君能幾人
安陽亭西路歲歲薦繁蘋益州本故土遺範垂千春至今墓前石雙
闕高嶙峋

漢循吏王稚子石闕

王夢庚

新都城北岸山紫漢闕嶙峋轟遺址莫辨元興立石罕循吏爭傳王
稚子稚子芳名東漢垂廣漢邽人懸舊履先除溫縣後洛陽從駕榮
瞻侍御史商人露宿牛任眠政成河內敷遐邇洛陽自昔號朝歌淫
酌餘風肆奸宄燭照無遺神算驚捕伏發奸臻上理我讀孝和樂府
歌外猛內慈稱樂只宏農假道歸蜀都安陽亭畔崇祠起送葬不辭
千里奔峨峨雙闕寒煙裏洛陽東立溫縣西兩地懷思徧村市堂房

馬鬣負土高石難磨泐名爭企搜羅金石繫古懷其政其人垂萬禩
洪趙徵文記載詳歐陽錄後傷殘圯闕高一丈五尺羸下方上銳精
磨砥分鐫隸字三十一古勁匪直鍾梁比三寸五分點畫嚴劉涇作
記非虛美旁風上雨苦漂搖建中上有題名紀漁洋秦蜀數驛程率
堵波高巧舉似一自摧頽溝澮侵禹鼎沉淪歸泗水小蓬萊閣授經
堂辨列微茫具妙理嗟我遊蜀三十年景行餘微仰而跂東觀漢記
溯歌謠徭役均平百姓喜彌牟鎮接舊郟城殘字摩挲頽諦視先賢
邱壘絕採樵永和后詔煌煌時文翁葬蜀苦無稽石闕一坏何岷岷
峨岷高挹倚岷岷麝煤珍認澄心紙

新都王稚子石闕并序

張懷泗

新都縣志

第六編 文徵

四十四

予六十年前猶見其二今存一且中斷而爲兩幸鄉人累石接豎之
蜀中漢石僅存此可寶也

一柱騎而西者二一柱車而東者亦如是挽之皆以橐駝行雕鏤奇
古時平地舊傳石闕立年深雙柱雖折尙留字一書兗州刺史官洛
陽一書先靈御史官河內盪磨日月弄雲烟龍跳虎臥鸞翔翅東漢
至今二千年滄桑變換等兒戲此柱巍然不動搖較勝雲臺沒荆棘
新都之北大道旁公卿過此每憑式始識天公佑善人甲丁長守王
循吏循吏誰渙其名稚其字噫吁噫二柱一留今斷殘採樵之禁非
艱難

題王稚子石闕

王懿榮

寶光寺內離筵晚稚子碑前客意閒今日憶君在何處斜風細雨鹿頭關

題王稚子石闕

漢碑今剩幾隻字重兼金落日始康道垂鞭駐馬尋循良留往跡風雨證禪心觸我停雲感披圖付短吟

次孫直言九日登龍門山

趙忬

皇祐二年秋九月九日龍山遇佳節新都大夫孫隱之報政優游共民悅升山高會賓主俱滿頭黃菊泛茱萸遙開醉眼極千里身高氣爽胸懷舒眷言登臨風景異澄川秀野如披圖殊方眞賞到奇處未來空只誇江湖嗟我江原忝民長周遭百里平如掌簿書役役甚囚

新都縣志

第六編 文徵

四十五

拘聞有岷峨無計上及聞治邑茲山奇脚力不到神鬼馳誰知我亦好山者篋中時復觀君詩

戊寅九日龍門登高

楊慎

江山盤踞千年地風雨崔嵬百尺臺搖落霜林秋籟發參差雲堞曉光開四愁多阻張衡望九辨堪興宋玉哀望遠登高聊自遣芳萸艷菊漫相催

龍門山

傅薦元

九九眞元紫界封金天削去翠芙蓉高澄漢北銀河水俯矚城南玉壘峰仙洞曉煙浮碧霧赭山夕照映瓊宮魚鱗變化知多少長作新城孕毓嵩

桂湖曲送胡孝思

楊慎

君來桂湖上湖水生清風清風如君懷灑然秋期同君去桂湖上湖水映明月明月如君懷悵然何時輟湖風向客清湖月照人明別離俱有憶風月重含情含情重含情攀留桂枝樹珍重一枝才留連千里句明年桂花開君在雨花臺隴禽傳語去江鯉寄書來

桂湖月夜

盧雍

月白湖光淨波光桂影繁人間與天上兩樹本同根

楊升菴先生墨蹟一

結字依仙籍成橋斷俗蹤御風看列子避雨對茅容鶴繞三株樹龍蟠五粒松蜀山歸有約策杖會相逢

新都縣志

第六編 文徵

四十六

楊升菴先生墨蹟二

去年中秋後三日與蘇子升李公路公臺楊齊物訪太狂草堂於迷渡酒邊書此匆匆別來又復一年阻兵滯疾不面之闊久矣茲沮洳海居而太狂惠然來往余因誦前詩感歲月之益駛歎歸中之雨阻爲之悵色相對是日五雲陳子亦同來且相期與楊齊楹時堯旬及前四子再往賞梅太狂效鄉先生東坡公性好栽插諸經手植一一茂異且有竹格重榮之瑞吾二人者歸期常有說乎歸不歸且付之無何有之鄉而狂醉放歌則準矣先書此以識嘉靖戊子十月四日升菴書

楊升菴先生墨蹟三

曹太狂草堂閒居閱新淦張震註唐晉事稍遠耳目者卽書其下云未詳太狂戲曰是四張未詳太狂博學多識者乃爲重註之因閱王子安詩有風烟望五津之句蓋蜀江自郫湔至犍爲有五津曰白華曰萬里曰江首曰涉頭曰江南也勃然動桑梓之念且曰蜀嘉州山水名天下而名人韻士亦多山水之清名取爲別號者盡矣而獨遺五津天留以待太狂子耶他日歸家載酒爲凌雲之遊當一笑以舉白浮諸公然後請賦詠屬余書識其事是日甚寒采芝子蘇子升同坐見其事亦嘖嘖賞之嘉靖戊子冬十月二十六日升菴并記

升菴墨蹟跋

陳希祖

升菴翰墨大抵皆腹笥流溢雖率爾下筆都歸通雅此卷觀其用意

新都縣志

第六編 文徵

四十七

未嘗草草亦頗規撫衡山蓋同時爲前後輩用相效慕又知古人之不相輕如此皇清嘉慶二十二年歲在丁丑孟秋月

升菴墨蹟跋

吳鴻恩

吾鄉代有偉人前明楊文憲公與宋蘇文忠公後先輝映文章氣節均卓卓可傳惟文忠詞翰之工早已盛行海內獨文憲墨蹟世罕見之此册得於京師家荷屋中丞陳玉芳先生書有跋語數行並皆佳妙先大夫玩不忍釋命子孫永保鴻恩常置案頭茲因曹洪齋大令邀新都以此帙質之喜得吉光片羽爰泐於桂湖祠中以供同好亦相觀而善之一助云光緒辛丑仲夏

升菴墨蹟跋

吳郁生

顏忠柳正書法常與人品並傳有明楊升菴先生文章氣節世所共推不必書名也而仿其書者真贋莫辨余視學蜀中過先生故里輒想見其爲人適春海前輩主講龍門出示此册迺先生謫居滇南時所作用筆搗灑自如足徵心曠神怡不爲境累而後之景慕前徽者得窺真蹟并可奉爲瓣香矣光緒壬寅季夏

升菴墨蹟跋

俞陛雲

用修先生以元輔令嗣大魁天下文采照耀今古而其議禮一事勁直不撓放廢滇南賜環無望著書百餘種以自娛卒爲蜀學鉅子蓋自古奇節之士遊心境遇之外非籍一時氣矜之隆僥倖於嘗試也春海前輩得是册勒石先生之鄉適余典試蜀中事竣屬補題於後

新都縣志

第六編 文徵

四十八

余觀先生是作有忼慨之致無怨誹之音雖故山之願未償而其人其書至今尙虎虎有生氣然則人之所以自重者固在此而不在彼矣因書所見以質諸邦人士時在光緒壬寅九月

升菴墨蹟跋

吳魯

傳云明德之後必有達人明楊用修先生爲前大學士石齋公長子幼而敏悟恪承家學以廷試第一人內贊嘉謨盡規獻替因議禮不用遣戍邊陲一時賢士名儒望厥培植猶百川之歸巨海毛羽之宗鳳凰也客秋魯典試滇南今復視學此邦吾師春海夫子將家藏先生墨蹟勒石來書屬爲綴題浣誦回環天然入妙余生也晚幸得結文字緣並望川中人士步其後塵將來必互相輝映也光緒壬寅孟

秋月

升菴墨蹟跋

趙鶴齡

楊文憲公以議禮成滇題詠翰墨輝映字缺五閱而昆明之高嶢大理

之寫韻樓永昌字缺五跡為尤著滇士大夫雅相推重和詩有天上麒麟

麟輝蜀水海中龍馬過滇池之句傾倒亦至矣余滇南下士素景公

流風遺韻今備官來蜀過新都游桂湖伊人秋水彷彿遇之春海前

輩復出公手蹟見示考其時地亦在滇所作既欽墨妙更觸鄉心愈

把玩不能釋手云光緒壬寅小陽月

升菴墨蹟跋

陳璠

書為六菴之一聖人言遊於藝而先示以志道據德依仁知本末兼

新都縣志

第六編 文徵

四十九

該學者必循序漸進有明狀元楊文憲學術純粹恪守程朱于正德六年廷試第一忠貞世篤自議禮投荒之後益肆力簡編嘗語人曰資性不足恃日新德業當自學問中來故學與年進記誦日博著作日多不但經說諸篇足以沾溉後學也惟全集久行於世而書法罕見其真璠舊藏先生詩集墨本嘗以懷寶視之茲陳臬蜀中過訪先生故里獲窺真迹春海同年復鐫諸石以壽於世豈非翰墨有緣而宦遊之厚幸哉爰綴數行以志欽佩光緒壬寅秋日

升菴墨蹟跋

李錦江

蘇文忠論字必論其人之平生而餘技乃籍以不朽明代楊文憲以名節重不愧忠孝狀元余權篆始康時殷景仰今又獲窺真蹟樂天

知命並可想見其平生也光緒壬寅孟冬月

游桂湖懷升菴先生

馬永修

曾從墳下拜先生爲訪遺踪又入城丹桂香中傾耳聽月明恍覺有
書聲 權將出處問微波涓濁涇清費揣摩求志隱居行達道可曾
孤負此湖塵

桂湖五律十首寄張宜亭

姚 騫

前哲遺芳躅平湖傍女墻登瀛推領袖抗疏直綱常雅曲咸爭誦名
區嘆久荒休哉賢令尹重締會心堂 張君爲政好無事藉匡扶青
眼頻投轄紅蓮久濫竿釣遊共晨夕觴詠極歡娛不識花開日攜樽
憶我無 難得囂塵裏開門別有天樓臺皆近水風月浩無邊碧玉

新都縣志

第六編 文徵

五十

千竿直紅霞萬朵鮮欲存山意思疊石自幽然 勝地春徧早天然
好畫圖櫻桃紅亞水垂柳綠遮湖波澈魚堪數風和鳥自呼此間容
小隱更不羨蓬壺 一棹烟波裏波光漾淺深野菱團水面老樹臥
湖心魚戲翻新漲鴉歸噪夕陰維舟香世界清磬出疏林 秋色艷
湖濱桂花香滿城香風吹不斷冷露聽無聲撲面心先醉當頭月更
明芙蓉千萬朵臨水笑相迎 百本寒梅樹沿堤手自栽憶鋤明月
種應傍綺窗開香雪迷幽徑春風拂碧苔一枝誰折贈西望獨徘徊
乘興便臨眺流連常暮歸折花香在手灌樹綠沾衣柳巷藏輕艇
春波沒釣磯我慚彈鋏者歌能羨魚肥 更上層樓望平疇一帶齊
犬隨人刈穫牛負雀耕犁村樹綠團屋菜花香滿畦循良重農事憑

眺日沉西 一別沉霞榭重遊白帝城暮雲千里共春水片帆輕政
事懷三異飄零愧半生短詩聊代柬用慰別離情

題桂湖五首

曾國藩

新都桂湖明楊升菴修撰故宅也使旋過此縣令張君宜亭招飲湖
上爲賦此詩

遂別華陽國歸程始此賒翻然名境訪來及夕陽斜翠竹偎寒蛭丹
楓噪暮鴉詞人云異代臨水一咨嗟 短城三面繞淺水半篙寒鳥
過穿殘日魚行起寸瀾秋風樓閣靜幽處地天寬平昔江湖性眞思
老釣竿 十里荷花海我來吁已遲小橋通野港壞艇臥西陂曲岸
能藏鷺盤渦尙戲龜傾城遊女盛好是采蓮時 矮桂枝鉤裏叢篁

新都縣志

第六編 文徵

五十一

葉打頭隄行皆仄徑路斷得高樓欄檻千迴錦玻璃五色秋落霞沉
水底綺散不能收 頗憶家山好去鄉茲六年此間行樂地小有洞
庭天點綴須人力招尋信妙緣使君殊不俗把酒意茫然

秋夜宿桂湖

張之洞

新都明賢相定策誅羣邪升菴亦通才萬卷丹鉛加有園不得歸塞
耳禮訟譁空第作傳舍後人攀秋花過客聊寄帑故相不爲家慘淡
環幽香自然淥水涯雖非平泉木固勝拙政茶回文何哀怨金齒日
已斜名福古難並多取徒咨嗟

桂湖七律四首并序

劉沅

愚爾足江鄉歷有年所聞張宜亭明府重修桂湖至爲工雅未獲一

觀今夏六月望日至止流連周覽倚城鑿沼疊石爲山花樹交加修
篁掩映勝景紛拏不暇應接欣然忘醜率成四律拋磚引玉而已
萬里滇池慨逐臣雲峯應讓桂湖新江山不沒英靈氣風月仍歸舊
主人勝國綱常空痛哭故鄉遺像轉精神才名反遜平安字惟與蘇
髯共苦辛 火雲飛處水光浮一味清涼已似秋苔綠上城山勢陡
天青連樹桂香柔丹鉛此日風流在桑梓當年旅恨悠最好多情賢
令尹鑑湖風景竟全收 種桂成陰又種花不教霜雪妒繁華芙蓉
徑曲梅枝護荷蕊香飛艇子斜去住關山遺雪爪淒涼身世幻龍蛇
伊人宛在留秋水此外桑田幾萬家 淺淺流波窄窄船迎涼小住
亦遊仙樓臺隱約林梢外石磴紆迴雉堞邊節義文章堪絕俗山川

新都縣志

第六編 文徵

五十一

雲物倍爭妍一湖直與毘江壽活水源頭詎惘然

桂湖

張百熙

遠莫問子雲亭近莫上相如橋勳名氣節兩無補弔古祇益心蕭條
升菴先生曠世豪揚馬以後推詞曹文章根柢本忠孝大科不忝門
楣高武宗之朝勢如沸抗疏高名起清閼興王纘統御宸極力主程
朱詆張桂哭聲直撼左順門謫宦遙憐永昌衛白首艱難瘴海頭淒
其萬里金沙樓錦城紅樹那無夢故里碧波空復秋碧波紅樹年年
在一代江山人事改荒徼英靈歸去來桂湖風露香千載我昔抱讀
先生詩想見磊落英多姿何圖勁羽鏃京國坐使絕足羈滇池我今
行訪先生宅萬木陰深帶寒色枕碧亭開竹徑南沈霞閣廠蕉窗北

湖光瀲灩霜氣深悵望往昔成孤吟秦陵獻廟空黃土感徹當年議
禮心

桂湖

吳之英

明新都楊慎宰相子擢修撰博聞該通極稱翰苑爲議大禮得罪謫
永昌肆意文酒以終其故居鄰縣署倚城築室湖光桂影相照耀祀
慎像其間士人來遊輒有餘愛英嘗謂吾蜀自漢室初興司馬相如
以文章冠天下厥後異代間生雖類聚無多皆清拔之才震灼當世
慎之於明亦天生使獨者也絲慎至今我清未有作者是可慨也
江山降神才人秀才人無福江山壽自古名德舊居遊一邱一壑啟
靈寶維明達者楊新都少襲金璫佩卯符姓字無辜入丹書家山有

新都縣志

第六編 文徵

五十三

桂老綠湖功名幡爲節氣苦精華僅借文章補春水盈塘魂未歸秋
香滿地華無主從此遊車焚驂驪爭醉風月飽蔚藍豈知湘君殉蘭
芷更無招隱賦淮南我是少微第一宿初謫蒙山箸東麓竹石繚垣
草閣新鶯花媚景春江綠幾回開卷讀故文清才雅調猗幽芬卜鄰
願近屈平宅筮塚擬鑿伯鸞墳轉慨吾蜀靈秀積媒如熒如翁復關
揚子翩翩馬王法蘇家孥矯嚴陳迹二百年來絕廣陵林泉佳氣尙
蔥青天開秋爽延西顛地繇靈種誕先生先生以後竟蕭索山光淡
淡水漠漠馨香徒薦雲中君飛來莫識華表鶴曾跨岷嶓操古弄井
絡高堯空谷霧每臨奇險泣薜蘿頻託消息祝琴夢老死龍詰詎狂
辭社虛鬼子搖樹枝齊竿不歛詔長技晉鍾未調期後師長技相蒙

不相忌後師詎解前師意且幸海鼈坐貽嗚饒他井鼃跳梁地我來
謁君秋雨深霜風槭槭曉雲陰賦就投波長沙憾曲成獨泣海上心
嗚呼噫嘻近傳蓐收杖鉞起爲與王母說治理白天自胞金玉音堅
白應有長鳴子昨宵寐思若爾爾美人戴勝納珠履荒忽遺我雙瑤
琿寤昧桂陰照湖水

桂湖曲

用吳梅村
鴛湖曲韻

魏孝儒

城南一曲碧連天波鏡磨銅好放船燕掠紅衣嬌映日魚擎翠蓋嫩
含烟游人來覓納涼處指點湖邊叢桂樹湖名留得桂花新謫仙曾
向此中住金粟當年繞徑開檀板金尊日夕來紅藕香團歌曲舫綠
藤陰護讀書臺此時仙侶好裝束玉堂天上相追逐豈第窮經飽蠹

新都縣志

第六編 文徵

五十四

魚早看遺硯珍鸚鵡才子聲名冠蜀西金鰲奪得狀頭歸飛龍喜借
天家騎走馬歸從上相堤歸來湖畔春先暮迎門桃李開無數戀闕
難忘捧日心催君又上長安路宮鶯曉聽上林嬌杖履追隨赴早朝
金華有詔響彤管錦里無人理畫橈誰知富貴同春夢議禮端開天
聽動荷戈萬里南荒行讀書萬卷成何用綵筆生花休復休至今書
卷儘長留三春花柳迷吟棹六詔風煙鎖成樓東西走似煒煒兔回
頭還恐逢君怒縱使承恩歸去來那堪游迹都非故我來携盞步湖
邊花竹樓臺尙宛然遺詔似隨秋月滿芳蹤遙共落花鮮繁華過眼
皆陳跡曲沼猶爲人愛惜差同杜老有花溪不比季綸空梓澤君不
見人海茫茫風浪危帆到風高轉已遲輸他湖曲忘機鳥波起平波

總不知

謁升菴太史祠

李海瀛

昔我曾經先生墓翁仲無言疑泣露世澤猶垂最屢陰搔首憑弔忘
日暮今我又謁先生祠文獻在茲誰能步想見當年骨鯁風撼門大
哭心如訴獨守程朱理不移繼統嗣統何忍誤攘臂深斥張桂流苦
口不憚逢君怒廷杖幸甦投南荒即使身死終無負當時徧異十九
人天愛斯文加呵護石榴韻早結知交綾緘詩曾徵雅度七十二年
節堅持四百餘種書不著有時傳粉了髻粧耗磨壯心誰及悟潮州
抗表韓文公長沙懷才賈太傅李白夜郎蘇儋耳千古文人同厄遇
我瞻遺像極低徊伏闕丰規恍如悟遙憶碧山嶢下祠洞獠薦馨寧

新都縣志

第六編 文徵

五十五

改故是非身後有定評議禮奸邪今何處

謁楊升菴先生祠

李調元

蔓草高墳最屢碑楊氏祖宅繚垣頽公子戍死滇南陞始康郭外留
荒祠當時議禮主者誰撼門一慟先生爲紛紛濮議何其卑程朱正
論我守之批鱗履尾何敢辭吾輩不朽方在茲大禮未定身先危折
檻牽裾忠見疑璫奪首事居貨奇豐坊曲論天子毗逢君不顧千載
唾明堂聚訟復參差餘毒得毋鈴山遺嗟哉南竄無歸期越睽老搥
羣相嬉鱗膽爍膚濕淋漓天使老啖蛤雄雌了髻盤頭面傅脂插花
擁妓相嫵媚胸中綿繡何處攜醉來裙衫當臨池吐氣蟠屈成蛟螭
夔兒撫掌都盧吹箏曾喇療皆來窺丹鉛錄成識者稀何異正則離

騷詞小橋獨樹明霞曉聲聲鷓鴣啼竹籬松杉一逕流水漸古屋破
牕風颼颼葛巾草屨山人姿遺像突兀難委隨潮陽僭耳同一悲淚
沾楓菊爲殘萎先生亮節夙所思况逢瞻拜欽丰儀試哦海畔孤臣
詩不覺泣下如綆縻

謁升菴先生墓

馬能修

此身合算小遊仙萬里歸來拜墓前笑我永昌無宦累嗟君慎海不
生還程朱正理援爲例璵璠何人敢竊權試問逐臣誰是伴潮州僭
耳史曾傳

謁升菴先生墓

馬儒修

滿腔悲憤幾時伸竟把孤墳葬此身不算科名俱上列最難才子屬

新都縣志

第六編 文徵

五十六

忠臣碑經蘇護文猶古土被雲埋草自春西蜀許多名士在要推傳
粉插花人

過新都拜楊升菴先生墓二首

沈聯芳

早歲聲華便四馳三川文望重當時贖刑一論霜寒簡大禮重陳淚
滿墀自爲青蠅難用直遂從紅袖遍題詩中溪平谷池南叟腸斷知
心寄所思 龍門高峙月波虛斜日松楸滿故墟博雅直追蘇玉局
怨誹不學楚三閭卅年魑魅愁同役畢世丹鉛剩著書一自碧雞歸
葬後精魂長得傍先廬

楊升菴先生墓

張邦伸

文忠名繼三楊後相業巍巍映華胄升菴生爲獨角麟日誦萬言心

自究弱歲飛步捷南宮杏花歸踏沙堤紅地負海涵驚絕艷藝林咳
唾生英風時逢大禮議興獻撼門痛哭天爲變謫戍難迴璵璠心挽
舟幾中張子箭萬里奔馳向永昌文星從此落邊荒瀕池處處吟風
葉了髻時時對酒觴可憐七十猶行役華髮傷心板橋驛自古文人
多數奇不獨青山悲太白

楊升菴先生墓

汪仲洋

連蜷雙桂幾經秋故國猶傳正首邱賈誼有才餘慟哭屈平無地著
離憂淋漓血肉金門杖冷落丹鉛瘴海樓空使九源聞赦詔秦陵風
雨阻中州

升菴先生墓道

何人鶴

新都縣志

第六編 文徵

五十七

客行新都道萬象日中積大野插青秧平疇開遠碧冷落升菴墳荒
園誰與闢先生本才人瑩然玉界尺廷試冠羣英面皮猶唧唧八斗
齊謝安一石追曹植信知千羊皮不及一狐腋胡乃遭璵璠議禮遣
戍役遠竄投南荒夜郎同惋惜著述四百種恨血成和璧自君歸黃
壤竟使雷聲寂竭來弔邱墟烟昏日將夕聊吟有韻文件此無腔笛
和新都楊芹洲明府清明集同人酌楊文憲墓由黃中亭學博

却寄

張懷泗

楊文憲公墳巖巖閩海芹洲釀醞之新都萬口爭傳遍希音繁響鏗
相隨憶公辛未大魁日海涵地負琳瑯筆當時國勢正清平花磚鈴
索絲綸密豹房弓劍痛臣民青宮寂寂愁丹宸興獻一子賢且長天

書詔到真天人珠旒玉袞明堂坐安陸飛龍上青瑣以天下養理則
然槩欲尊崇母乃左公家相國柄朝綱百寮執事徒徬徨引經據典
兩故事漢定陶王宋濮王不考所生考所繼太妃半路先流涕人情
母子割離難官家擬作歸藩計張桂窺時竊上書敢將繼統排羣儒
爲人子者爲人後先王制禮今何殊封還批勅至三四宮中火厄回
天意溫語如卿考孝宗本生父母准前議曹史無端有吠言相國飄
蕭返故園孝宗忽然作皇伯二百餘人左順門公學程朱兩夫子冷
褒段猷安定齒撼門大哭驚宮廷拚與諸臣同一死碧雞金馬時天
南憔悴風霜總自甘小小肩輿容出入孤臣只合稱升菴扼之護之
良有以張公簡公托蘭芷九重心事尙難忘作達放顛而已矣知交

新都縣志

第六編 文徵

五十八

詩酒付門生尋梅問柳都關情豈獨文章橫蓋代最憐苗夔能歌聲
中間請急亦歸省恩恩往返多淒警七十餘年荒微身得見高皇猶
骨鯁細參史乘及傳文入門禮已殊箋文嗣位非子執初詔後來無
怪滋紛紜只悲敬皇在天上宗祧無主長惆悵公受三朝雨露恩忍
與羣奸窺意向處人骨肉良獨難婉詞激淚皆辛酸勉君學舜學光
武濟與不濟求心安一門德業霜華重於今飛鳥盤翁仲滇蜀迢遙
慘淡雲靈旗隱約鸞鳳控臨安太守王探花搜羅遺蹟親梳爬惜不
開雕拓萬本人間何處餐流霞竭來賢宰知爲政鑿湖講學懸金鏡
禁煙攜榼弔忠魂奉陪珠履多題詠中亭學博今吟壇坐索詩通倚
畫欄李杜銷沉坡谷死每談雙桂摧心肝和成不敢寄瑤席獨立蒼

茫情脉脉日曛穹碑字畫明那得臣心如此赤

和新都明府楊芹洲先生清明弔楊文憲公墓詩 張懷溥

文憲碑高龜剝落誰向墳前薦春醪芹洲先生政多閒花時載得新
醅熟弔古詩傳白雪音憐才心到丹鉛錄豹房龍去痛弓髯天潢派
近惟安陸大行遺詔太后旨皇天后士臣民福國家有統斯有宗旁
支入繼準陶漢臣毛臣蔣無異詞是父是子同啓沃當年此論本程
朱幾時新議參璵尊逢君之惡法當誅敬皇在天靈奚托盈廷抗疏
各錚錚修撰仗節尤諤諤三十七日訐謨在二百餘人同聲哭雷霆
震怒死所甘冷段同升生更辱身到南荒飽瘴雲夢繞西清聽鈴索
扶病親提萬里戈著書空滿三間屋明堂制作瑰瑋才蠻煙佚宥淒

新都縣志

第六編 文徵

五十九

涼曲可憐空閨錦字來讀到日歸愁緒觸夜郎曾放李謫仙儋耳長
羈蘇玉局從來遷客慣離憂自古美人半謠啄九泉應憶秦陵園萬
卷誰搜金齒作豈知隔世有知音惜未生前逢此牧人間地主盡殷
勤何處天涯有飄泊當年江公與郭公并此而三古詎篤翁仲無言
亦點頭似此風流今所獨願將盛舉告將來一歲花開耐一爵

新都楊文憲公墓碑歌

孫纘

文忠功節韓富儔文憲博學淵雲羞隆然豐碑蟠最屬迺在始康郭
外城西樓行人過此駐馬讀欲拜未拜靈風肅驚湍滾滾聲東來疑
是二百餘人放聲猶痛哭憶昔豹房龍上賓武皇無嗣選懿親安陸
外藩承大統以名則弟分則臣太廟昭穆不可替皇考當稱敬皇帝

師丹議禮溫公遵事關君父原非細撼門力諫大聲呼臣等讀書宋程朱漢陶大義昭前史璵璠邪談敢面諛銀瑤一擲赤棒響廷杖今將獄吏仰國家養士百餘年相公父子何忠讜莽莽滇雲荷戟來蠻煙瘴雨逐臣哀千秋忠諫科名稱一代文章典麗才點蒼山色浮空翠刀環夢斷釵花膩蠻荒解中狀元名錦字多緘思婦淚山花插髻粉斑斑老病孤臣朽骨還空傳醉墨楊修撰近比琵琶康對山吁嗟乎文人遷謫無時無公之竄徙獨何辜君不見夜郎李白儋州蘇

題寶光寺石礎

相傳僖宗幸蜀駐驛寺中

張懷泗

塔上風鈴相對語此是僖宗駐驛所宋屋明墟歲月磨老僧指點猶餘礎官家少小生宮中甘心臥起閹奴同若輩知書猶狡獪乃公敗

新都縣志

第六編 文徵

六十

事喪蒙戎洛陽已報飛霜爍灞上甲兵疑草木金光門外野沙寒白馬星馳來駱谷蠶叢開國峙西坤那有黃衣入劍門一從唱罷淋鈴曲十二衛君重騰翻此時葆羽駐蕭寺烏鴉強作鸞鸞侍金剛努目佛低眉曾將法力銷烽燧迴首六王興慶池五十萬錢一鵝兒左藏天齊都耗了更徵商旅行鞭笞江邊雲樹苦卑濕嬪御飄逢黯於邑關中消息近何如又聽黃頭爭酒急勤王諸帥捷書來刺閨入奏天顏開却收帳殿歸豐鎬仙李依然玉宇栽國家圖治在英彥最防假手雞皮面北司非比南司強廷臣未必宮臣賤侯孟堂堂兩拾遺披肝瀝血旋捐糜小人怙亂相終始裂尸萬段何補爲迄今此礎琳宮後不經廐馬和春白土花繡澁蛟龍蟠似有神呵丁甲守我來訪古

屢摩娑當年帶礪盟山河夕陽欲下不肯下
瑟瑟殿角悲靈鼉

庭榴詩

黃夫人

移來西域種多奇檻外緋花掩映時不爲秋深能結實肯於夏半爛
生枝翻嫌桃李開何早獨秉靈根故放遲朶朶如霞明照眼晚涼相
對更相宜

新都縣題楊升菴先生故宅

王士禛

侍臣遷謫後常憶秦陵園詞賦留金齒生還望玉門交州無士燮南
海得虞翻廢宅西風裏連蠅桂樹存

雙桂堂詩

李調元

留耕家世福雙全豈料人闌酒亦闌仕宦從來真傀儡豕山何處望

新都縣志

第六編 文徵

六十一

團團青蛤夢斷啼鴉易金雁魂歸化鶴難果有堂前雙桂否丹心丹
桂定俱丹

桂花亭詩

史欽義

昔植桂千樹今栽槐四行朱妍秋葉露詩報紫霞霜欣彼雕龍地悲
看射鴨塘如何忠直後閱世變滄桑

新都縣志

第六編下

外紀

糧稅之蠲免與預征

倉儲之興廢

借墊與苛捐

統籌與偽券

甲田之興廢

匪患與兵禍

防區制

新都縣志

第六編

明彝器

已廢之祠宇

古墓

古有今無之勝蹟

圮橋四道

廢坊三座

周氏義莊

嘉慶二十年修志姓氏 附序

道光十七年修志姓氏 附序

新都縣志

第六編 外紀

糧稅之蠲免與預征

清康熙二十五年特旨蠲免次年應征地丁錢糧其二十五年未完錢糧亦悉與豁免

三十二年特旨蠲免次年應征地丁銀米

四十二年恩旨蠲免次年應征地丁錢糧

四十九年恩旨蠲免五六七三年應征地畝人丁銀

雍正七年特旨蠲免九年額征地丁銀

乾隆十一年恩旨蠲免本年應征地丁錢糧

新都縣志

第六編 外紀

十三年特旨緩征十五年地丁錢糧

三十五年恩旨蠲免次年應征地丁錢糧

三十八年特旨蠲免本年額征地丁錢糧

四十年特旨緩征本年應征地丁錢糧

四十二年恩旨蠲免四十四年應征地丁錢糧

五十五年恩旨蠲免五十八年應征地丁錢糧

六十年加恩輪免嘉慶元年應征地丁錢糧

嘉慶六年特旨蠲免次年應征地丁錢糧十分之二

同年特旨蠲免本年應征地丁錢糧十分之一

二十五年恩旨蠲免本年應征地丁錢糧十分之二

道光六年特旨蠲免八年地丁錢糧十分之四
七年特旨蠲免九年地丁錢糧正閏十分之四
民國九年八月開始預征十年正副糧稅

同年十二月預征十一年正副糧稅

十年十月預征十二年正副糧稅

十一年六月預征十三年正副糧稅

十二年三月預征十四年正副糧稅

同年六月預征十五年正副糧稅

同年十二月預征十六年正副糧稅

十三年二月預征十七年正副糧稅

新都縣志 第六編 外紀

同年因十二年水災經各法團迭次呈請省議會議決豁免十八年
正副糧稅

十四年二月預征十九年正副糧稅

同年四月預征二十年正副糧稅

同年同月預征二十一年正副糧稅

同年七月預征二十二年正副糧稅

同年十月預征二十三年正副糧稅

同年十一月預征二十四年正副糧稅

十五年三月預征二十五年正副糧稅

同年六月預征二十六年正副糧稅

同年九月預征二十七年正副糧稅
同年十二月預征二十八年正副糧稅
十六年五月預征二十九年正副糧稅
同年十二月預征三十年正副糧稅

倉儲之興廢

常平倉 緣起不詳舊志載清道光二十四年存貯京斗穀三萬八千石光緒二十五年邑人袁大經張治新馮溢堃等稟換常監倉穀章程內載時存貯京斗穀四千五百餘石宣統三年辛亥同志會發生匪徒乘隙蠢動知縣趙詠清籌辦城防提賣京斗穀三千三百八十六石二斗四升四合五勺四抄民國元年經縣會議決以縣屬濟

新都縣志

第六編 外紀

三

倉田租分作六年歸貯二年由濟倉首士歸穀一千零八十六石零二合六勺二抄五年古歷三月十六日夜股匪劫城後辦防務局提撥京斗穀二百七十九石九升二合一勺三抄六年知事嚴濟和短交京斗穀六十二石九斗九升七合三勺三抄同年知事楊林籌辦軍餉掃數賣盡並副穀二百七十八石九斗一升六合亦同時售去存空倉若干厥九年建縣公署折倉佃地取押銀以作建築費十四年官產清理委員變賣地基只剩低濕隙地一方十六年拓桂湖爲公園又將低濕隙地掉與原住湖外居民遂廢
監倉 舊志不載緣起不詳光緒二十五年已與常平倉合併爲一厥復亦同時廢

社倉 始於乾隆二年丁巳由糧民捐穀存貯以備歲荒舉社首專其責遇凶荒春季借出秋季加息收還垂爲定制至道光二十四年甲辰舊志載

水二甲迴龍寺倉四廩貯社穀七百八十六石七斗四升六合五勺貯同善穀三十八石四斗九升六合 白水寺倉一廩貯社穀二百三十六石二斗八升貯同善穀十一石一斗九升六合 王家樓倉四廩貯社穀一千一百八十二石三斗零二合四勺貯同善穀五十七石九斗零八勺

老二甲淨方寺倉五廩貯社穀一千零六十石零八升零七勺貯同善穀四十四石五斗八升一合 石家菴倉六廩貯社穀一

新都縣志

第六編外紀

四

千零一十一石五斗六升一合七勺貯同善穀四十六石九斗八升二合一勺 南峰寺倉一廩貯社穀二百一十五石六斗二升貯同善穀九石六斗二升 東嶽廟倉一廩貯社穀一百四十一石七斗九升零九勺貯同善穀六石一斗三升一合五勺

老三甲東嶽廟倉五廩貯社穀七百零九石六斗一升六合二勺貯同善穀二十四石二斗三升六合五勺 雙水寺倉四廩貯社穀五百五十六石二斗七升一合九勺貯同善穀十八石五斗八升四合 南峰寺倉一廩貯社穀一百七十石零六斗六升二合六勺貯同善穀五石八斗零三合 石家菴倉一廩貯

社穀一百一十七石一斗三升九合三勺貯同善穀三石八斗六升三合 普利寺倉一廩貯社穀一百七十九石零八升三合貯同善穀六石一斗一升九合五勺

老四甲琉璃寺倉九廩貯社穀一千三百零一石五斗三升五合六勺貯同善穀三十五石二斗二升九合九勺 寶光寺倉一廩貯社穀一百六十三石六斗零三合貯同善穀五石一斗九升一合七勺 二郎廟倉六廩貯社穀一千三百七十一石零二升九合一勺貯同善穀四十七石零三升一合

水二甲南峰寺倉四廩貯社穀六百一十二石六斗九升四合貯同善穀二十六石八斗三升三合六勺 雙水寺倉一廩貯社

新都縣志

第六編 外紀

五

穀二百五十九石八斗六升一合二勺貯同善穀十石零八斗五升八合 華藏寺倉二廩貯社穀二百零二石三斗九升三合九勺貯同善穀八石三斗七升二合 後寺倉五廩貯社穀五百八十石零四斗四升貯同善穀二十五石五斗四升四合 水三甲東林寺倉三廩貯社穀七百六十八石七斗三升七合七勺貯同善穀二十九石五斗八升八合 白水寺倉五廩貯社穀一千一百九十九石三斗一升八合一勺貯同善穀四十六石九斗六升五合八勺

水四甲華藏寺倉五廩貯社穀九百七十一石八斗零二合四勺貯同善穀二十五石七斗五升六合一勺 觀音莊倉五廩貯

社穀一千零三十三石零六合九勺貯同善穀二十五石四斗三升六合九勺 關帝廟倉三廩貯社穀六百三十石零八斗五升四合六勺貯同善穀十六石零六升零五勺

老一甲彌陀院倉十廩貯社穀一千四百二十九石七斗四升二合八勺貯同善穀五十四石零七升三合七勺 獅子菴倉一廩貯社穀一百三十四石二斗八升貯同善穀五石零二升

老五甲琉璃寺倉三廩貯社穀五百三十石零九斗二升五合五勺貯同善穀十一石七斗二升六合五勺 靈官祠倉一廩貯社穀二百零八石四斗五升八合一勺貯同善穀四石七斗九升 普利寺倉九廩貯社穀二千二百三十三石三斗九升一

新都縣志

第六編 外紀

六

合三勺貯同善穀五十石零一斗一升五合八勺 下河西寺倉二廩貯社穀三百九十六石五斗零六合三勺貯同善穀八石五斗一升八合

老六甲白馬寺倉二廩貯社穀四百八十九石八斗零九合二勺貯同善穀十六石五斗五升九合八勺 王家菴倉七廩貯社穀一千三百八十八石零九斗三升零一勺貯同善穀四十六石八斗六升一合八勺 三聖宮倉一廩貯社穀一百八十四石一斗五升六合二勺貯同善穀六石二斗九升九合六勺

吳一甲師家營倉三廩貯社穀六百二十七石七斗九升二合五勺貯同善穀三十二石一斗五升八合一勺 東嶽廟倉五廩

貯社穀七百七十六石九斗五升零六勺貯同善穀三十九石零二升一合 涂家廟倉一廩貯社穀七十石零七斗六升六合一勺貯同善穀三石四斗八升六合四勺

吳二甲張家菴倉四廩貯社穀七百五十二石七斗七升六合貯同善穀三十石零七斗九升六合七勺 白衣寺倉一廩貯社穀二百零八石四斗五升貯同善穀六石八斗三升 泗洲院倉三廩貯社穀五百八十四石二斗一升九合七勺貯同善穀二十五石一斗八升 鎮靜菴倉一廩貯社穀九十四石三斗六升七合貯同善穀三石九斗一升二合三勺

吳三甲正因寺倉四廩社貯穀四百三十二石三斗八升八合四

新都縣志

第六編外紀

七

勺貯同善穀十四石零五升二合一勺 鎮靜菴倉六廩貯社穀六百九十六石二斗四升七合一勺貯同善穀二十四石零八升二合 白衣菴倉四廩貯社穀八百二十九石六斗三升八合一勺貯同善穀二十七石一斗五升七合一勺

新一甲白塔寺倉五廩貯社穀五百七十二石八斗零二合貯同善穀九石九斗六升零七勺 嚴家寺倉四廩貯社穀四百三十四石三斗一升三合五勺貯同善穀七石六斗九升五合 張家菴倉一廩貯社穀九十七石八斗六升二合貯同善穀一石七斗四升四合 楊家菴倉三廩貯社穀三百一十二石九斗五升六合四勺貯同善穀七石八斗二升四合四勺 川主

廟倉一廩貯社穀二百七十四石九斗六升六合五勺貯同善穀四石九斗八升五合 文昌宮倉一廩貯社穀一百八十八石二斗一升六合一勺貯同善穀三石四斗五升 觀音堂倉一廩貯社穀八十一石六斗八升零六勺貯同善穀一石四斗三升一合 雙桂寺倉一廩貯社穀五十一石九斗四升貯同善穀九斗五升

新二甲報恩寺倉七廩貯社穀一千二百零二石九斗七升九合五勺貯同善穀四十一石零二升四合 張家菴倉一廩貯社穀一百四十一石九斗三升貯同善穀四石八斗五升

新三甲張家菴倉二廩貯社穀三百六十二石九斗零八勺貯同

新都縣志

第六編外紀

八

善穀十一石五斗七升四合 新寺倉六廩貯社穀一千七百零七石一斗九升零四勺貯同善穀五十石零七斗六升五合 觀音莊倉二廩貯社穀一百七十二石四斗三升一合貯同善穀五石五斗八升四合

回一甲雙元寺倉五廩貯社穀八百五十三石八斗九升七合六勺貯同善穀二十四石四斗四升二合 華嚴寺倉三廩貯社穀二百六十石零四斗七升三合四勺貯同善穀七石三斗二升三合 觀音堂倉九廩貯社穀六百七十一石七斗二升九合八勺貯同善穀十九石三斗九升四合四勺 文昌宮倉一廩貯社穀二十五石四斗一升三合貯同善穀九斗四升九合

三勺

回二甲雙元寺倉二廩貯社穀五百五十九石五斗八升八合貯同善穀三十八石九斗三升 馬家寺倉一廩貯社穀三百六十六石五斗八升四合貯同善穀十六石零七升五合

回三甲甘露菴倉五廩貯社穀六百四十九石一斗五升六合六勺貯同善穀十三石七斗一升九合 彌陀院倉三廩貯社穀三百零八石二斗零三合四勺貯同善穀六石五斗四升八合八勺 唐家寺倉七廩貯社穀一千零六十九石七斗四升貯同善穀二十石零六斗七升八合 觀音堂倉一廩貯社穀一百一十六石九斗五升五合五勺貯同善穀三石四斗九升三

新都縣志

第六編 外紀

九

合四勺 觀音莊倉一廩貯社穀五十二石零二升四合貯同善穀一石一斗一升零七勺 龔家廟倉一廩貯社穀七十五石五斗零九合貯同善穀一石三斗七升六合

總計共倉二百二十七廩共貯社穀三萬八千四百一十八石九斗四升五合八勺同善穀一千三百二十六石二斗五升成豐十年庚申知縣劉建瓚任內奉總督駱秉璋明令盡數變賣解充軍餉民間百餘年之蓄積至是蕩然盡矣

積穀 清光緒六年川督丁寶楨明定章程通飭全省籌辦積穀其法按糧攤積凡收一石者積穀一升收穀十石者積穀一斗收穀不及一石者免積以三年爲限所積之穀舉殷實紳糧董其事倣朱子

社倉法每年春夏季借出秋季加息收還共積市斗穀九千八百三十四石八斗六升六合計

水一甲迴龍寺義禮倉二廩貯京斗穀二百三十五石二斗四升三合合市斗穀一百零四石六斗四升五合 又迴龍寺倉三廩貯京斗穀一千零五十六石五斗四升三合合市斗穀四百六十八石九斗零三合

水二甲慶壽寺倉二廩貯京斗穀六百六十一石六斗一升七合合市斗穀二百九十四石零五升二合 文昌宮永聚倉貯京斗穀四百五十九石七斗八升八合合市斗穀二百零四石三斗五升

新都縣志

第六編 外紀

十

水三甲旃檀寺倉四廩貯京斗穀三百八十七石五斗三升七合合市斗穀六百一十六石六斗八升三合

水四甲觀音莊倉三廩貯京斗穀八百零二石八斗一升七合合市斗穀三百六十四石零四升七合 慈義寺倉不詳貯京斗穀四百七十二石五斗

老一甲彌陀院倉五廩貯京斗穀一千一百九十二石八斗零二合合市斗穀五百三十石零一斗三升四合

老二甲公田處倉即聚字第一倉貯京斗穀七百零二石零四升八合合市斗穀三百一十二石五斗一升 石家菴倉不詳貯京斗穀二百七十六石二斗五升五合合市斗穀一百二十一

石二斗七升八合 淨方寺倉不詳貯京斗穀二百六十七石五斗二升五合合市斗穀一百一十八石九斗

老三甲文昌宮春字倉貯京斗穀四百五十九石九斗七升五合合市斗穀二百零四石四斗三升二合 文昌宮夏字倉貯京斗穀二百三十一石零五升七合合市斗穀一百零二石六斗九升二合 雙水寺秋字倉貯京斗穀三百七十七石七斗七升五合合市斗穀一百六十七石九斗 雙水寺冬字倉貯京斗穀一百八十八石六斗四升四合合市斗穀八十三石八斗四升二合

老四甲寶光寺倉貯京斗穀四十九石二斗七升五合合市斗穀

新都縣志

第六編 外紀

十一

二十一石九斗 二郎廟天地人三倉貯京斗穀一千一百一十七石一斗合市斗穀五百二十二石四斗四升五合

老五甲普利寺第一倉貯京斗穀二百六十二石九斗零八合合市斗穀一百一十六石零五升二合 普利寺第二倉貯京斗穀二百九十二石九斗六升七合合市斗穀一百二十九石一斗三升 普利寺第三倉貯京斗穀二百二十四石七斗八升八合合市斗穀一百零一石五斗五升三合 普利寺第四倉貯京斗穀二百三十八石二斗七升一合合市斗穀一百五零石六斗 普利寺第五倉貯京斗穀三百三十四石五斗六升一合合市斗穀一百四十九石二斗一升八合

老六甲王家菴倉二廩貯京斗穀五百二十八石三斗九升六合
合市斗穀二百三十四石八斗四升三合 白馬寺倉不詳貯
京斗穀六百八十二石二斗九升五合合市斗穀三百零三石
二斗四升二合

吳一甲師家營仁字倉貯京斗穀二百六十九石零四升一合合
市斗穀一百一十五石二斗三升二合 師家營義字倉貯京
斗穀二百九十一石七斗三升四合合市斗穀一百二十九石
五斗一升七合 涂家廟倉不詳貯京斗穀一百七十石零九
斗七升八合合市斗穀七十五石九斗九升 東林寺倉不詳
貯京斗穀一百五十一石三斗七升一合合市斗穀六十七石

新都縣志

第六編 外紀

十一

六斗五升六合 東嶽廟倉不詳貯京斗穀三百九十八石三
斗五升九合合市斗穀一百七十七石零四升八合

吳二甲泗洲院天字倉貯京斗穀三百九十一石五斗零一合合
市斗穀一百七十四石零一合 白衣菴仁字倉二廩貯京斗
穀四百零一石五斗五升五合合市斗穀一百八十二石四斗
六升九合 張家菴天字倉貯京斗穀三百石零五斗五升六
合合市斗穀一百三十石零五斗八升

吳三甲白衣菴天字倉貯京斗穀四百五十二石三斗四升六合
合市斗穀二百零一石零六升五合 鎮靜菴天字倉貯京斗
穀一百七十三石三斗三升二合合市斗穀七十七石零三升

六合 鎮靜菴地字倉貯京斗穀一百五十四石二斗四升合
市斗穀六十八石五斗五升一合 鎮靜菴人字倉貯京斗穀
一百六十七石零七升三合合市斗穀六十九石八斗一升
鎮靜菴和字倉貯京斗穀二百五十四石三斗八升七合合斗
市穀一百一十二石一斗七升二合

新一甲梓潼宮倉不詳貯京斗穀二百六十七石零六升六合合
市斗穀一百一十八石六斗九升六合 白塔寺倉不詳貯市
斗穀一百一十四石二斗一升二合 黃家碾倉不詳貯市斗
穀一百石

新一甲報恩寺公田倉二廩貯京斗穀一千零九十石零六斗一

新都縣志

第六編 外紀

十三

升二合合市斗穀四百八十四石七斗二升一合

新三甲永興場利富倉二廩貯京斗穀七百二十八石四斗零二
合合市斗穀三百二十三石七斗三升四合 泰興場倉不詳
貯京斗穀二百六十石零四斗一升五合合市斗穀一百一十
五石七斗四升

回一甲觀音堂倉二廩貯京斗穀六百一十三石八斗九升七合
合市斗穀二百七十二石八斗四升三合 雙元寺倉不詳貯
京斗穀三百五十九石零九合合市斗穀一百五十五石五斗
五升九合

回二甲上牌周家倉貯京斗穀三百一十九石八斗二升二合合

市斗穀一百四十二石一斗四升三合 中牌周家倉一廩貯
二百一十六石 下牌湖南寺倉貯京斗穀一百九十五石八
斗一升七合合市斗穀八十七石零三升
回三甲堆子壩倉二廩貯京斗穀九百六十七石七斗零七合合
市斗穀四百三十石零九升二合
高一甲泰興場倉不詳貯京斗穀二百七十二石三斗零六合合
市斗穀七十八石

清季積穀之弊由倉首皆樸實鄉民倚甲約如左右手凡夫放收倉
穀報交倉首一資甲約所爲從不過問由此積弊日深故稽之檔案
則合勺秒撮之不虛按其實儲則十之二三爲無着民國三年知事

新都縣志

第六編 外紀

十四

胡義先到任查覈各倉索多虧空借籌辦平糶期以整頓倉儲曾經
通詳有案由是倉穀稍歸於實其時首事者則爲廖鎔楊作樑閔昌
會諸人也五年知事楊林籌墊盧帥師軍餉提賣市斗積穀三千零
六十一石又籌墊陳國棟軍餉提賣市斗穀三百石又辦防務局提
賣市斗穀二千七百五十二石又賑彌牟鎮匪災撥去京斗穀一百
九十五石六斗三升三合十年知事王蘭伍籌墊軍餉提賣市斗穀
四百九十餘石由徵收局裁取糧票交縣署轉發各倉首收填何倉
承領其糧票計銀若干不詳又有未領糧票計銀一千餘元現存縣
署此項借出倉穀雖名爲撥糧歸還其時舛午紛紜弊端實難窮詰
自民五以後地方團甲屢有借用然皆有借無還其數不詳弊又不

盡在官矣十一年辦賑遂將各倉存穀及各倉領收糧銀一併散發
今則倉廩多有倒塌者又豈始事時所及料哉

借墊與苛捐

借墊 民國五年六月第四師師長盧師諦飭墊軍餉二萬元計洋
一萬三千元券七千元在預征糧稅項下歸還九千元餘一萬元無
着六年團長陳棟國廖謙先後派員提撥餉款六萬二千元第一軍
第三補充隊隊長蔣潮海提撥銀一千元皆向紳商派借及變賣積
穀墊繳在預征糧稅項下歸還七年靖國軍副官楊尙撥銀一千元
馬王樞但旭兩連長楊景福排長先後共撥銀一百八十元靖國招
討軍營長游增榮江琳撥銀一千二百元駐防營長游蒸雲因年關

新都縣志

第六編 外紀

十五

撥銀一千元均臨時借墊在預征糧稅項下歸還九年五月團長周
官和籌借餉銀三千元在預征糧稅項下歸還八月靖川軍第一路
司令官田頌堯飭籌軍餉四萬元照糧攤借在預征糧稅項下歸還
同時駐軍某與知事深夜派人將各商倉儲菜子一律封閉估擄迫
賣總司令劉存厚雖嚴批禁止而擄者自若後以賤價給商人印收
持券者無從抵扣商民受害不堪十一月總師令劉存厚籌借軍餉
六萬元在預征糧稅項下歸還十年田頌堯離成都知事高懿每夜
派隊傳人至署逼款臨以鐵索脅以兵威繳款時不給印收陷款無
着借款若干不詳十一年戰事忽起第一師團長戴俊知事王蘭伍
籌借軍餉二萬元賣積穀四百九十餘石在預征糧稅下項歸還十

二月知事趙錫鑄奉川北邊防軍總司令賴心輝令籌墊銀一萬元在預征糧稅項下歸還十二年邊防軍第十師三師七師四部更迭籌墊銀共四萬二千二百四十六元各軍在用城鄉商民索借柴米計共銀二千九百二十三元事後由縣議參會及各法團分別列表請抵糧稅准在預征糧稅項下歸還亦有未盡准者八月楊督理飭籌墊軍餉銀三萬元由縣局給發印收分飭各區借墊限兩月催齊在預征糧稅項下歸還十四年四月楊督理製發印收計洋五萬元仍派各區按畝墊繳在預征糧稅項下歸還

佃當捐 民國十四年一月開辦承辦員龔鎮藩共領佃當捐據三千二百張證明執據七千張凡未經完過典契稅之當業按照當價

新都縣志

第六編 外紀

十六

數目繳捐款百分之三佃約註有年限之大佃各佃戶按押金數目繳捐款百分之一佃約未註年限之小佃各戶按押金數目繳捐款千分之五其押銀數不及及五十元錢數不及一百六十釧者免捐於奉文以前成立之賣業印契均一律呈交佃當捐事務所證明並由業主按每契一張呈繳手續費銀一元其奉文以後所立之賣契仍遵向章分別稅驗不在證明之例自開辦日起至七月撤銷止共收入捐款約一萬元實繳二千八百元

統籌與偽券

民國十五年陸軍三十師六十旅旅長陳離來縣駐防自是年四月起實行統籌由縣公署征收局菸酒公賣監察所會製統籌券預發

各區團總轉派人民每月繳款一萬六千元即以統籌券完納糧契菸酒各稅取民有制也次年征收局長張雪崖任停發統籌券改裁糧票綜計周袁李三任發出統籌券十餘萬元收入超過原額二千餘元而各區尙存券一萬餘元約計超過原額一萬三千餘元縣知事陳習淵會同征收局長張雪崖具呈國民革命軍第二十八軍司令部請示并一面召集各機關法團着手清理隨後軍部派諮議張秀山到縣會查復經征收局司事駱仲文證明前征收局長李先開變造偽券一萬六千元當由委員張秀山縣知事陳習淵征收局長張雪崖等呈覆軍部責令李先開賠款三千元交縣議會代完全年被服費五分之一十六年四月軍長鄧錫侯召集防區內各縣代表

新都縣志

第六編 外紀

十七

到省開財政會議規定自五月一號起每月軍餉及政費共在糧稅項下提銀九千元零全年派數以兩年糧稅爲度外籌被服費全年一萬六千元即就糧稅項下附加帶征仍歸征收局收解並委派邑紳三人爲財務監察員所收各項雜稅每年約十萬元另行申解不在統籌內計算此兩次餉款統籌情形也

甲田之興廢

田以甲名明示一甲人民所有田也前清乾隆十三年副都統卓鼐查得八旗食米自行市買與商民時生齟齬奏請改發官價交成屬各縣地方官會同紳民代買殊日久弊生而衙吏又從中漁利收米之時或除糠米灰米耗米甚且擴大斗量種種刁難不堪其擾於是

乃有照糧攤購之法按糧集銀以一甲爲一組或一甲分爲數組不
等買置田產舉人經理秋後即以所出租米按照攤購額數運交縣
署而收得官價恒不足支付運力如田租除支應旗米外尙有贏餘
并以支給本團體糧田水派暨糧約身工以及掃完本團體內五分
以下無着微糧此甲田之緣起也民國成立旗米革除甲田所入有
以完正稅者有以完團捐者有以完征解費者間亦有以完正副雜
稅者然必須本團體內人公同處分外人不得而與聞也洎民國十
五年創辦成趙馬路知事黃宗憲以甲田爲公田凡田一畝指定集
股銀四十元卒使甲田全數盡賣者有之已賣過半者有之而其存
者復諱莫如深自縣署遭劫火後又無檔案可攷故甲田遂隨成趙

新都縣志

第六編 外紀

十八

馬路而消滅矣茲將各甲田攤築馬路股款表列如次

中區

新一甲上中下牌集股銀二千元正

上下東區

老一甲集銀一千六百元正

老六甲集銀二千四百元正

回一甲集銀一千二百元正

回二甲集銀二千八百元正

回三甲集股銀二千元正

西區

水一甲集股銀二百元正

北區

尙義堂集股銀三千一百二十五元正

永安堂集股銀一千七百五十元正

萬發堂集股銀一千七百元正

道生公集股銀一千六百元正

興盛隆集股銀九百五十元正

公道成集股銀三千一百二十元正

裕德堂集股銀九百零二元五角正

德盛長集股銀八百七十元正

新都縣志

第六編 外紀

老四甲集股銀三千一百五十元正

三義公集股銀四百五十元正

忠義堂集股銀五百二十五元正

合興祥集股銀二百五十元正

合生公集股銀七百元正

愛蓮公集股銀一百元正

老三甲集股銀一百元正

中和生集股銀二千一百五十元正

保全堂集股銀五百元正

萬盛長集股銀三百五十元正

全福同集股銀六百六十元正

集義祥集股銀七百元正

鑑盛森集股銀二百元正

三義生集股銀二百元正

合資股集股銀一百五十元正

同記協興祥集股銀五十元正

同記合興祥集股銀五十元正

水二甲集股銀二百五十元正

老五甲集股銀五十元正

匪患與兵禍

新都縣志

第六編 外紀

二十

清宣統三年辛亥四川創立保路同志會新都亦有藉此肇亂者八月某日某等糾衆脅迫知縣陶相去職勾引土匪進城搶劫商號旋爲官兵擊潰十月四川軍政府成立匪勢益張擄人勒贖殆難盡述有往來劫殺追入公署而官莫敢救者於是民間始練團自保然承平日久民不知兵所謂練團不過空名而已每夜炮聲隆隆闔境騷然是年冬月匪執下東區史保正復生而尸解之當事者乃召請各處匪首假以名號組織城鄉保安營數處原冀安其野心適以助其惡焰馴至白晝搶劫而商賈絕迹矣民國元年三月顏宣慰使楊總監維率兵來縣解散保安營適知事高培德馭匪有方其勢稍息四年二月叛兵陳步三過境匪又竊發攻劫唐鎮殺斃警兵損失以萬

計四年知事嚴濟和到任官紳會議始實行籌款購槍整頓各區團練五年護國之役崔苻之盜乘機蠢動遂於古歷二月圍攻下東團局燒燬新寺中區團總廖鎔旋將各區團練調住縣城惟上東區團練駐扎彌牟鎮如故而勢成孤注矣延至三月十六日夜二鼓新都縣城竟被匪劫臨時由苗警佐開城羣匪撲入燬公署出獄囚飽掠而去由是匪益猖獗政府不能制而利用者遂有招撫之議官紳亦有制止閱團總宗俊十日不得率隊游擊致礙招撫進行之令函匪遂如虎生翼至五月二十九日突有匪徒二三千人攻撲唐鎮縱燒民房初唐鎮設礮數處至是團練據礮轟擊自己至成激戰六時匪忿甚潛入閱團總家將其父鼎臣戕害是役也斃匪頗多而上東團

新都縣志

第六編 外紀

匪患

二十一

練陣亡號目蕭占武隊丁包宗嶽張學榮三人由此全縣咋舌不敢言團每當夕陽在山鄉民皆牽牛負物扶攜入城彼此相顧歎息而已久之知事楊林捕匪北區爲匪所敗涉河而歸衣履皆濕匪遂迫近城外行劫火光徹天人聲鼎沸官民株守城垣懼其復入鄉間益無人理料冬月滇軍清鄉殺斃著匪李吉三曾秀山侯躡子等百餘人勢稍斂六年十月知事蔡文銓初到任即赴新場清匪被匪圍攻婦孺俱持兵與知事抗戰蔡僅以身免已而督軍劉存厚派兵剿辦臨發前夕所有四鄉巨匪已爲駐城某司令派人潛引入該司令部矣故未獲首要僅戮其餘黨百餘人未幾又有羅戴之役政潮旣烈更不復過問匪徒於是軍屯鎮馬家場連遭匪劫至八年督軍熊克

武派九縣官兵清鄉將匪首曾壇神劉烏棒胡厨子胎毛雞等先後捕獲正法會知事周郁文銳意練團地方始有澄清之望然經一次戰爭必有一次招撫每有一次招撫即被一次摧殘事後非無清鄉之舉其實皆掩耳盜鈴兵匪膠漆甚則匪變爲兵兵轉爲匪循環繹騷迄無寧日十二年正月聯軍西上旋即敗退拒戰於川東北屢上屢下相持一年各軍多藉匪自助招撫旗幟直徧於川東北矣是時新都匪勢益張挾圍練平時勦捕之恨遂於八月十六日勾結鄰封兵匪數千分兩路撲入上下東區下東團總夏德三弟兄及保正張錫疇等同時陣亡駐縣張營長某聞變赴援衆寡不敵陷入匪巢被獲於是唐鎮再經焚劫兵民傷亡百餘人房屋燒燬數十家拉去老

新都縣志

第六編 外紀

匪患
兵禍

二十一

幼男婦數百名口死者多其不死者久之以贖論雖貧者不得免女子擄去不歸者至今多有事後知事廖執中提議籌借萬金贖回張營長并加抽葉菸捐填還十五年冬始停止十四年戰事復發金漢土匪蜂起縣境時虞不靖首長爲保安地方起見特令今二十八軍第二混成旅陳旅長駐防匪患稍息 以上匪患

民國五年五月陳宦率北軍離川道經縣城結隊拉夫毀門入室商農俱閉匿不出凡五日乃止旋有招撫軍張達三軍隊入城估派餉欸二萬元四鄉積穀耗其大半七年春熊克武入成都其部將郭景汾率隊來縣估提團局快槍百餘枝各法團向省署呈請歸還無效九年九月以後駐軍某封倉估擄商民菜子商民呈控總司令部禁

止無效十年正月知事高懿勒籌款項不給印收二月孫震何光烈李懋森各部大戰城下二日人民恐慌逃匿不暇城內苦戴圍之籌餉城外苦軍隊之凶橫十二年正月聯軍西上大戰城下數日旋去二月劉彬圍攻縣城激戰七日大礮紛如雨下各街斷絕交通城外民房夜夜焚燒火光燭天靡不驚心動魄解圍之日城內居民被劫殆盡而劫得財物者均明目張膽包交郵寄莫敢誰何計兩月內兩軍所提餉款柴米及人民被劫各項損失約數十萬金而無辜之罹鋒鏑者婦女之受侮辱者不知凡幾自此以後川禍日深駐縣各軍益復誅求無時名目日異竟有一年收至五六年糧稅之時稍不遂意則押追勒繳言出法隨民間屈於勢力而罔敢違官府習於故常而不爲怪十餘年來凡軍隊所到公所民房廟宇牆壁多已洞穿器物化爲薪木歷歷可睹無待贅言故私人房屋洞開者亦皆塞向墜戶可畏如此世曷貴有兵哉以 上兵禍

防區制

防區非制也然自有防區以來駐軍以人民爲魚肉其意若曰是防區制也此當然之事也而人民則忍受其刀俎而不辭其意若曰是防區制也此無如何之事也夫人人皆以爲防區制故亦名之曰防區制耳民國五年護國之役各思利用匪徒澎漲勢力而招撫之風益熾若輩本野性難馴借此盤踞地方自由籌款人民慌於凶燄皆敢怒而不敢言此防區制之濫觴也然紛亂之後猶有統一之時自

羅戴之役以後連年兵爭各擴張勢力於是紀綱廢墜而防區制隱然遂成洎民國七年熊克武以四川陸軍第五師師長之躍而爲四川督軍其時川軍將領中與之勢均力敵者實大有人在皆潛自爲政不遵號召有獻言於熊氏者曰曷通令各軍就防區內籌款自給而提鹽款爲已有熊氏聽其言而行之而自由宰制之防區制由是實現矣及分離之勢已成蝸角之鬪已久熊氏即欲統一而亦有所不能也計自七年始至九年七月爲四川陸軍第一軍軍長但懋辛駐防委任周郁文李鳳耀爲知事王選卿劉崇煒李均平爲征收局長自九年八月起至十一月爲三師師長向傳儀駐防委任陳光葆爲知事林俊爲征收局長自九年十二月起至十年九月止爲靖川

新都縣志

第六編 外紀

二十四

軍總司令劉存厚駐防委任劉宗培爲知事劉潛爲征收局長自十年十月起至十二年五月止爲川北邊防軍總司令賴心輝駐防委任張瑤趙錫儒爲知事劉偉欽林肇翔爲征收局長自十二年六月起至十三年一月止爲四川陸軍第二混成旅旅長張冲駐防委任廖執中趙國鈞爲知事廖執中滕浣陸爲征收局長自十三年二月起至十四年六月止爲督理四川軍務善後事宜楊森駐防委任徐文華唐觀濤陳克壯陳可均爲知事胡士先劉忠瑄爲征收局長自十四年七月起至現在止爲國民革命軍第二十八軍軍長鄧錫侯駐防委任莫浚王世濬黃宗憲陳習淵王文拔爲知事羅克荆周鴻錫李先開張雪崖田根固趙揚輝陳爾釐爲征收局長舉凡預征借

塾皆防區制勢所必至之事也

明彝器

仙觀 玉皇殿古鐘一口萬歷十六年鑄

彌陀院 大殿石爐二座嘉靖年造錢爐一座萬歷三十三年鑄大

鐘二口一嘉靖時鑄一隆慶六年鑄磬二口明崇禎時鑄

關岳廟 大鐘一口萬歷壬寅年鑄磬一口萬歷十七年鑄

城隍廟 前殿鐘一架宏治五年鑄又破錢爐一座宏治七年鑄

火神廟 洪鐘一口正德十一年鑄大鐵爐一口萬歷二年鑄

大悲寺 大鐘一口萬歷四年鑄磬一口崇禎元年鑄

鎮靜菴 大鐘一口萬歷三十年十月初三日邑民梁徵捐鑄小鐘

新都縣志 第六編 外紀

二十五

一口萬歷四十三年鑄磬二口一崇禎十年三月十五日高遠妻楊氏同子捐鑄一萬歷三十五年鑄

正因寺 大鐘一口萬歷三十一年鑄磬一口萬歷三十一年鑄

普利寺 大鐘一口重一千斤正統十二年鑄

白馬寺 磬一口正德十六年鑄鐘一口萬歷四十七年鑄

琉璃寺 磬一口萬歷四十八年鑄

前寺 磬一口崇禎辛未年西蜀汶川王府豐慶捐鑄

後寺 磬二口一萬歷二十五年西蜀汶川王府捐鑄一萬歷三十

二年西蜀汶川王府捐鑄

寂光寺 磬二口一崇禎十一年鑄一崇禎六年鑄

旃檀寺 三聖殿磬一口崇禎十五年鑄

白水寺 山門磬一口崇禎十七年鑄前殿鐘一口萬歷十二年鑄

正殿磬一口萬歷二十八年鑄

南峰寺 磬二口一萬歷時鑄一嘉靖四十二年鑄大錢爐一座萬

歷九年鑄

淨方寺 洪鐘一口嘉靖四十二年鑄磬一口嘉靖四十二年李時

泰李時慶劉坤捐鑄

老君觀 鐘一口隆慶二年鑄

梓潼宮 殿前洪鐘一口正德十年鑄

楊家菴 磬二口一萬歷癸卯年鑄一崇禎二年鑄鐘一口萬歷二

新都縣志 第六編 外紀

年鑄

玉皇觀 鐘一口萬歷十六年鑄

興崇寺 正殿磬一口崇禎四年鑄

北區火神廟 鐘二口正德三年鑄

東林寺 爐一座萬歷二十二年鑄鐘二口一萬歷四十四年鑄一

萬歷四十六年鑄

小東嶽廟 鐘一口萬歷元年鑄

已廢之祠宇

土地祠 在縣城內縣署前民國十六年建公共體育場折廢

馬王祠 在城內廣漢驛內民國十六年建公共體育場折廢

盤古廟 在縣城東郭下見寶光寺周唐勅建寶光禪寺碑記今廢
天王寺 在縣西一里飲馬橋岸東鑿放生池時土人常於其地掘
得石匾知爲古寺舊趾

古墓

古墓二塚 在縣城東隅廢考棚前

知縣張奉書古墓記 始康試士向在縣廨余蒞任之明年始
偕邑之人議建考棚卜得文昌宮之隙地遂鳩工焉一夕睡正
酣恍惚至一宅有儒者似曾相識授書一卷余展閱良久儒者
忽向後作手呼狀少選一叟自後出老僕隨之儒者指叟向余
曰此詩人客死於此者其人衣冠時制風貌閑雅向余執禮甚

新都縣志 第六編 外紀

二十七

恭具道姓名鄉里詞旨悲切使人悽惋余舉趾欲去而雞聲
嚶東方已白沈思所言渺若河漢獨記其乞余保衛一語心竊
異之翌日詣工次見蓬頭中撮土類塚者三匠作將平之余亟
止之詢之士人曰古墓余中心感觸墓中人豈非夢中人耶不
然何以昨與夢相接今即履其地耶而荒塚壘壘然又恰符其
數耶爰翦其藜莽而培治之立石於上曰古墓嗚呼叟以能詩
名而竟老死異地生前之遇可想矣詩人少達而多窮其信然
歟乃身後之名終於湮沒弗彰豈不重可悲夫雖然前緣未盡
後晤可期叟如有知重入我夢當表其姓名鄉貫更勒石於墓
左道光戊戌仲春上浣

古有今亡之勝蹟

新婦泉 原在縣東七里民國十五年建築成趙馬路廢

李膺益州記 新都縣東北五里有新婦泉什邡縣界亦有新婦水初二婦勤於奉養晨夜負汲不憚冰雪久之泉為之湧故名

南亭 今廢

張說有新都南 送郭元振盧崇道詩見文徵

雞蹤橋 在彌牟鎮北今廢

顧祖禹讀史方輿紀要 後唐長興三年孟知祥以董璋克漢州將兵赴援至彌牟鎮趙廷隱陳於鎮北明日陳於雞蹤橋別

新都縣志 第六編 外紀

將張公鐸陳於其後董璋陳於武侯廟下知祥登高塚督戰大敗東川兵

新都驛 今廢

陸游有暑行憇新都驛詩見文徵

平遠軒 在新都驛今廢

劉望之有新都驛平遠軒詩見文徵

菩提院 在彌牟鎮今廢

宋陸游有遊彌牟菩提院詩見文徵

王氏園 在彌牟鎮今廢

宋文同遊彌牟王氏園詩見文徵

月波池 今廢

方芾有月波池詩見文徵

古直渠 在楊升庵墓前今廢

舊志 楊升庵先生墓前舊有直渠一寶光塔影掩映其中號曰玉筆點銀河後經土人鑿成溝洫以灌田畝遺跡遂渺不可睹史欽義有直渠詩見文徵

圮橋四道

德陽王橋 在縣南十里橋圮獨有碑存在泥汜沱對岸成都縣界接善橋 在縣城隍城內廟門首清乾隆四十九年知縣譚克慎重修今廢

新都縣志 第六編 外紀

二十九

永清橋 在縣東清白橋北清乾隆五十一年邑人匡占萬等募金剏建長二十餘丈道光十一年被水冲塌漢州張先紹獨力捐修移下數十丈漢州界內更名先德橋此橋遂廢

百壽橋 橋廢碑在縣東彌牟鎮江西館門外清監生溫文和同子武解元超等捐資建修大小石橋百道各有壽字如長壽萬壽等橋從斯橋起

廢坊三座

曹志孔妻彭氏節孝坊 在縣南街韋馱堂側民國十五年因辦市政折廢

貞節錢氏坊 在縣東彌牟鎮外道上明崇禎二年建民國十六年

因建馬路折廢

師大成妻危氏節孝坊 在縣南清雍正十一年建今廢

周氏義莊

邑人周松仙欲立義莊賚志而歿其子保臣秉承遺訓購置義莊田一百六十八畝祠屋六十四間護莊房屋三十四間釘有條規世守

勿替

附原呈及批諭 繼維敬宗睦族垂謚訓於古經旌善揚能昭聖朝之盛典不忘
本源之繁衍乃足進風俗於敦龐茲有已故四品封職周雲章
籍隸新都共推望族上承祖德肯構肯堂蓄積家資散財散粟
欲置莊田分周同族良模是慕賚志未成遺訓猶存克家繼起
其子祖佑箕裘克紹居積無私飲水思源敦支尋本經數年之
規畫濟一旅之艱難爰置義田一百六十八畝有奇在縣屬建
造義莊祠屋十四楹護莊房屋三十餘楹仁粟義漿匱乏顧膏

新都縣志

第六編外紀

腹之產春霜秋露馨香伸拜奠之忱凡以為閣族之謀無非體
先人之志足見萬萬能培本根瓜瓞從茲綿衍所呈條約網舉
目張師范氏之規鰥寡老羸無失所恃岐豐之澤冠婚喪祭盡
其誠教養兼施勸懲胥備推此報本之意足為鄉里之光紳等
誼屬同鄉情非過譽特臚列事實循例額懸旌揚俾垂並據知
特善人之勸實為風化攸關伏候父台大人轉詳施行並據
府銜補用同知直隸州候補知縣周祖佑以敬成先志立莊
族呈懇核詳事稟稱竊職自八世祖周繼爵卜居新都縣西鄉
水村家本寒素所以勵忠勤勞故父四品封職周雲章念立身必
先敦本盡孝所以勸忠遷蜀二百餘年支派繁衍恆產靡常每
有敬宗收族之意欲仿范氏義莊規模為久遠之謀有志未逮
遺訓諄諄職克承爰訓夙夜自勵翼成先志竊思族姓既眾貧
乏較多再事蹉跎實增咎戾思為遺訓謹定規條將故遺及新
置業產計田一百六十八畝有奇並指建義莊祠屋六十四間
護莊房屋三十四間以上共廢中貧乏者悉按條規支給世
七錢一分零以為贍濟公產族中貧乏者悉按條規支給世
知所遵訓由漸擴充
食德誦芬恪守勿替
批諭 着照所請禮部知道欽此合行恭錄札知為此札仰該縣
即便欽遵轉飭知照等因奉此合行恭錄札知為此札仰該縣

即便遵照此批

嘉慶二十年修志姓氏 附序

纂修 新都縣知縣孫眞儒楊道南李應元

協修 新都縣教諭李恒吉

參正 新都縣典史張爲埒舉人李于廷鞠汝欽生員梁瑛傅由儀

編輯 新都縣貢生李覺楹

校正 新都人密雲縣知縣周濤生員趙光烈華陽縣生員楊殿颺

校字 新都縣生員楊德一蔣增蘭李如蘭成都府學生員李志白

採訪 新都人候補布政司經歷周溱生員張仁澍尹肇萃趙際昌

職員楊中豐

新都縣志 第六編 外紀

繕寫 新都縣生員蔡克誠監生李于廉漢州生員李超元

監刻 新都縣舉人梁玉麟貢生楊鳳桂楊大澤生員黃玉鼎職員

周涓鄭達書

捐刻 新都人黃誌鞠文棟趙璉高樞趙光烈劉天源魏應芳楊鳳

柱楊殿颺梁玉麟楊大策周參元陳贊興王廷埒楊中豐楊凌霄周

溱釋秀實王遇亨陳伊藉魏成基冉志立冉志陞李如蘭周新亭陳

維新向時庚鄭達書蕭如清徐時懋僧繼彰朱銓馬騰雲僧官澄浩

曹大策曹大勳馬天明周象豐董衡一汪懷仁梁克峻釋續琳高俊

張中性陳能道何廷修范開繡曹昉張以成尹肇莘曹大儀劉文楷

劉安峒吳珍羅應元楊三超曾廷賓曾煉超柳垂緒楊開春張萬合

穆文蘇耀黃士榮劉啟賢曾廷奇徐文陞阮世彩張大焜石大鵬陳天萬馮玉元陳今我冉志易鞠廷楷黃澤文

首事 周涵梁玉麟李覺楹鄭達書楊大澤周瀛魏成基朱銓趙光銓李萬賓朱錫章

楊道南修新都縣志序 始康距省垣四十里地當孔道差使往來蒞斯土者負弩前驅日不暇給邑有志乘歷來未修輯成書非敢緩也蓋有待於吏治之暇而爲之歟近因各大憲纂修省志檄各郡邑同修始康乃文獻名區此舉尤不可闕但查舊志無存間有舊編皆本邑中紳耆採輯闕而不備不足以垂久遠余蒞任適當修志時業將告竣披閱之下見始康之應列於志

新都縣志

第六編 外紀

三十一

者悉皆明備其中若武侯之陣圖升菴之桂湖蕪廢者修舉之毀缺者保護之今載諸志瞭如指掌他如楊升菴著作之富雖所存僅什一千百而已刻者若干卷未刻者若干卷書名題目俱在並附年譜以備考察夫千里一聖百里一賢山川清淑之氣萃於鴻儒爲一邑之光此物此志也况忠臣孝子義夫節婦得天地之正氣而生者實繁有徒不特升菴一人之氣節文章已也地與人傳可與日月爭光垂諸千古而不朽者更不可不發茲潛德爲闔邑士民勸至若天文地理賦役戶口等類悉考核無遺無難披卷而得始康雖幅員不廣而有關吏治者俱載諸志爽若列眉均盛舉也余才疎政拙爲差事衝繁無暇及此

今司諭李涪言恒吉就原輯之志刪蕪舉要考核明備共襄斯舉喜其事之有成不敢不抒數言以弁其首時嘉慶二十年歲次乙亥仲冬月

李恒吉募化鐫刻縣志小引 新邑舊志修於前明兵燹後漫然無所考矣邑侯家明府應元理學君子也以經術節吏治轍迹所至人事信之下車後百廢俱舉政教日新以輯志爲急務嘉慶十七年奉制軍尙書常公具奏續修全省通志檄各郡縣賈志以備採擇前任孫明府命李明經覺楹編輯之志雖成未付剞劂亦與未修者等耳夫邑不可無志人不可不覽志志之所在有天象事有地輿事有民風事有古今之政教事有前人之

新都縣志

第六編外紀

三十三

臧否事考於天所以順其時覽於地所以盡其利觀於風所以正其俗審古今之政教所以守其經而通其變閱前人之臧否所以師其善而懲其惡他山之助爲人之本也斯志之刻其有關於茲土者豈不偉歟乙亥冬^恆承乏司訓惜此志之就湮也因思集腋成裘眾擎易舉邑中諸公亦好義樂捐藉得鳩工庀材歷三月而志板告成所有捐刻姓名及朱提多寡例得附鐫簡端以識新邑之急公尙義者甚不之人竊不揣謏陋並紀以垂不朽時嘉慶二十年仲春月

道光十七年修志姓氏^{附序}

纂修

新都縣知縣宛平張奉書

主稿 前任會理州學正漢州人張懷洵

協修 署理新都縣教諭南部任作輔訓導薛芳

編次 新都縣典史安徽懷寧錢濤城守左營駐防新都汛外委成

都汪廷贊

參正 庚子科舉人魏用之原任南川縣教諭辛巳科舉人熊澤基

廩生傅燮劉煥堂附生李欽監生鞠汝瑗

經理局務 貢生陳子培廩生魏源普

校字 廩生宋漣附生周秉珪

監刻 廩生鄭孔源劉焜附生汪作霖

採訪 辛巳恩科舉人卽選教諭熊潤基戊子科舉人卽選訓導王

新都縣志

第六編 外紀

三十四

昀現任蓬州訓導楊光海候選訓導尹肇莘甲午科副榜候選訓導
駱良驥候選布政司經歷周溱候選按察司經歷周渭從九品職銜
劉瑛廖文彬貢生蕭開春魏作賓陳光欽廩生周宣南增生鄭華春
附生向開華涂中轍粟純綱李魁光武生廖昉監生趙啟賢楊光俊
耆民魏德增

繪圖 黎陞魁

刊刻 縣竹劉紹彥

書手 李國溱

張奉書重修新都縣志序 志者史之流別也隋志經藉以郡國

書歸雜傳地理之記別部而未兼晉摯虞依禹貢周官作畿服

經嗣學者因其經歷前紀載然不能成一家之體齊陸澄聚一百六十家之說編而爲部謂之地理書任昉顧野王踵成地記暨地輿志自是遂夥凡厥州邑分野封略阨塞戶口亭城道里土田民物時俗先賢舊政靡不具悉夫上諸太史茲乃權輿必覈必詳庶昭賅備昌黎韓子固云土地之書未嘗一得其門戶且謂古之人未有不通此而爲大賢君子方欲退而往學焉志之難言也鉅儒爲退之猶遜謝管窺瑣學不能逮遠但記郡邑之名而已庸詎敢侈史之末事哉新都漢隸廣漢郡今屬成都府鉅四十里當道將云蜀以成都廣都新都爲三都號名城復言多名士有揚厚董扶又有四姓馬史汝鄭蓋屹然附會城勝

新都縣志

第六編 外紀

三十五

區也麗潤沃饒水清而深土畝而金鎮浸靈孕冠帶甲於旁邑嚮無志乘乾隆初陳令銛肇纂時閩中鄭石幢宰繁爲之序而邑耆舊無知者求其書不可得蓋草創未及梓矣迨余承乏稽圖問俗吏以冊進乃嘉慶十八年修省志當事者條綴舊通志倉卒盈帙以應檄取者每加繙閱訛濫漏脫不一而足中謬妄尤劇如升菴先生之桂湖本尋常游玩所也而以爲衛湖攷衛常章武時爲繁令鑿西湖引都江堰水灌溉田畝其利甚溥後人尸祝之名曰衛湖宋蘇實爲宰嫌衛湖蛙鳴取大者以硃筆點其額放於城外墓水河此繁之故蹟於新都何與殆沿舊通志而誤也升菴沒南中歸殯於蜀黃安人迎柩至瀘州並取其

妾與所生子而歸年譜所載甚詳舊志以爲家人欲成服安人以天威不測用庶人禮殮世宗開棺驗之見所服始感悟復其爵位吁巷里瞽談謾語顧以之入簡編尙云徵信而可臚典故備採擇乎深鬱於衷適有學宮饗校文昌廟考棚演武廳倉廩鄉社諸大役而不遑給繼潞桂湖輦樓閣葺卉木以復用修之徽蹟皆次第告竣縣人士諄然以修志請夫邑有志猶國有史也史紀一代之事實無遺志亦紀一邑之事實無遺雖百世下終必賴之且因文以求義因事以求鑒興廢因革循迹反已未必非守土者之大助也舊志收摭既疎成迫於猝邇年逾四紀矣甄錄有闕美隨日落善因月稀故諺曰一日不晝百事荒蕪

新都縣志

第六編 外紀

三十六

夫豈無燿闡可識者視燼焉莫之恤哉爰屬紳士勤極收拾參訪周咨核實乃登延漢州前任會理州學博張君玉泉秉筆余於餘力亦爲剖校間附以臆決論述一二其山川水利古蹟人物原本史籍匪據靡存類爲十二目釐爲十八卷例創乎新文增於舊七閱月而成收之於晦曠軼佚之餘復光著若發蒙矣此非余之所能也若有以導之而不得其故也徵文考獻訂訛補缺較舊志雖眇尺度然則韓子所願往學者而遽詡意得十八九覈量於陸任諸古作者乎趙閱道言之矣知之有未至編之有未及其俟於後之君子也乎道光二十四年歲次甲辰十一月

新都縣志六册刊誤表

類

頁

行

字

誤

正

文徵

一

六

九

王

主

同

七

八

議

講

同

十一

二

回

向

二

十三

四

任

往

三

十五

九

來

策

四

六

四三

無絕

絕無

五

十九

三

詐

許

六

十四

六

收

入

同

十六

三

大

天

七

五

廿五

興

興

同

二十

廿五

讓

護

新都縣志

刊誤表

八

五

十六

與

興

同

十一

十六

唱

倡

同

十六

十六

弟

第

同

十七

十二

之色

色之

同

十八

廿五

品

器

九

十二

廿一

梵

梵

十

七

郭紀小注

安

按

同

十三

七

情

清

十一

五

八

語

與

同

六

八

令

今

十三

一

金石下

增文字

同

二

十四

學

刺

同

十

九

書

畫

新都縣志

刊誤表

二

廿七	廿六	廿五	廿三	同	廿二	同	同	廿一	同	同	同	同	同	同	同	同	同	同	十六	同	十五	十四	同	同		
六	七	二	十二	十八	十二	十九	七	六	十六	十四	同	三	一	十三	十八	十六	十	九	七	二	十二	三	六	十六	十三	
十九	廿二	十五	十七	四三	廿二	廿六	十二	十三	十三	廿五	廿二	十八	十四	十三	十八	二	七	廿六	二	十八	十四	十九	十一	十九	廿二	
若	之	其	瞻	豈起	築	國	今	令	椿	木	令	姑		學	功	修行	集	齊	齊	而	翼	官	子	惜	遂	文王
者	知	甚	瞻	靖豈	樓	圖	令	今	椿	本	各	始		庀	公	移行	舊	齋	齋	西	翼	宦	丁	借	遂	王文

新都縣志

刊誤表

同	五十九	五十七	同	五十五	五十四	五十三	五十二	五十一	五十	四十九	四十五	四十三	同	同	三十八	三十七	三十五	三十一	同	同	三十	同	廿九	同	廿八
十	五	二	十	六	二十	四	十一	十三	十一	十一	三	三	十五	十三	七	十四	三	十六	十八	九	七	十九	四	九	一
廿五	十五	十四	十九	廿三	廿六	十四	十八	四	廿三	一	題人名處	五	二	四	飲字下	十二	十八	二十	廿五	廿五	十三	廿五	七	十九	廿五
宥	士	痛	山嶢	徧	平波	該	爛	綴	徧	該		嗟		免		舞黍	彥	未	原	待	忠	生	洩	予	吏
宥	土	痛	嶢山	徧	波平	賅	爛	綴	徧	賅	增顧復初	磋	三	諸	免	黍舞	產	未	厚	待	患	犧	洩	子	曳

外紀

三	十一	十三	十五	同	十六	同	廿二	廿八	廿九	三十	同	三十一
二	十八	四	六	二	三	十三	七	七	九	廿四	廿九	十五
二	廿五	廿四	七至八	廿二	十八	十一	八	十八	七至十	十八	十二	廿四
復	五零	斗市	國棟	下項	用	及	圍	激	隍城內廟	繁	廢	凌
後	零五	市斗	國棟	項下	衍文	衍文	團	徵	內城隍廟	繁	費	凌

新都縣志

刊誤表

四

補遺

第二編政紀公質店稅後

按自民五後滇戰發生質店漫無限制故八年解數較前銳減至今稅收之數更無從查攷矣

第四編人物中節婦目錄

閔嘉玉妻吳氏

年二十七歲夫死享年八十有二
子一昌華清旌表入祀節孝祠

